


泰山志
五

11-13

秩封郡
祀禪邑

因革
疆域
形勝
風俗
城池
官制
畧廟
塚墓
田賦
物產
古蹟

ル 5
3548
5



門 5
號 3548
卷 5

泰山志卷第十一

朝議大夫山東泰安府知府休寧金榮纂輯

秩祀志

列代巡狩

祀典

儀注

列代巡狩

唐虞三代

周易觀象曰風行地上觀先王以省方觀民設教

尚書舜典歲二月東巡狩至于岱宗柴望秩于山川

詩周頌於皇時周陟其高山隨山喬嶽允猶翁河敷天之

下哀時之對時周之命

禮記王制天子五年一巡守歲二月東巡守至于岱宗柴

而望祀山川覲諸侯問百年者就見之命太師陳詩以觀民風命市納賈以觀民之所好惡志淫好僻命典禮考時月定日同律禮樂制度衣服正之山川神祇有不舉者爲不敬不敬者君削以地宗廟有不順者爲不孝不孝者君繼以爵變禮易樂者爲不從不從者君流革制度衣服者爲畔畔者君討有功德於民者加地進律五月南巡狩至于南嶽如東巡狩之禮八月西巡狩至于西嶽如南巡狩之禮十有一月北巡狩至于北嶽如西巡狩之禮歸假於祖廟用特禮器因名山升中於天

秦

始皇帝卽帝位三年東巡海上行禮祠名山大川及八神

二曰地主祠泰山梁父

二世皇帝元年東巡碣石並海南歷泰山至會稽皆禮祠

之以上史記

漢

武帝元狩四年始巡郡縣寢尋於泰山通典

光武帝建武三十年三月幸魯過泰山告太守以上過故

承詔祭泰山及梁父

章帝元和二年二月東巡狩至泰山修光武山南壇兆辛

未柴祭天地羣神如故事壬申宗祀五帝於季武所作汶

上明堂光武帝配癸酉更告祠高祖太宗世宗中宗世祖

顯宗於明堂各一太牢卒事遂覲東后饗賜王侯羣臣因

行郡國幸魯祠孔子及七十二弟子四月還京都以上後漢書祭

志祀

下詔曰朕巡狩岱宗柴望山川告祀明堂以章先勳其二王之後先師之裔東后蕃衛伯父伯兄仲叔季弟幼子童孫百僚從臣宗室衆子要荒四裔沙漠之北葱嶺之西冒彫之類跋涉懸渡陵踐阻絕駿奔郊時咸來助祭祖宗功德延及朕躬予一人空虛多疚纂承尊明盥洗享薦慙愧祇栗詩不云乎君子如祉亂庶遄已歷數既從靈耀著明亦欲與士大夫同心自新其大赦天下諸犯罪不當得赦者皆除之復博奉高贏無出今年田租芻橐後漢書章帝紀

安帝延光三年二月丙子東巡狩辛卯幸泰山柴告岱宗

文獻通考

漢班固東巡頌竊見巡狩岱宗上稽帝堯中述世宗遵奉世祖禮儀備具動自聖心是以明神屢應休徵仍降不勝狂簡之情謹上岱宗頌一篇曰若稽古在漢迪哲幸修厥德憲章丕烈翻六龍較五輅齊百僚陶質素命

南重以司歷厥中月之六辰備

天官之列衛盛與服而東巡
漢崔駰東巡頌伊漢中興三葉於皇惟烈允迪厥倫矩
坤度以範物規乾則以陶鈞於是考上帝以贊中總列
宿於北辰開太微做禁庭延儒林以諮詢俗
時典司耆耄載華抱實道爾而造曰盛乎大漢增其
德此神人之所庶幸海內之所想思頌有喬山之征典
有御之巡時邁其邦民斯攸勤不亦宜哉乃命太僕
訓六駟嫺路馬戒師徒於是乘輿登天靈之威駭駕太
一之象車升九龍之華旗建掃霓之旌旄哀胡耆之元

老賞孝行之駿農

漢馬融東巡頌允迪在昔紹烈陶唐殷天衷克播光若
時則運瓊衡敷六典經八成肆類于上帝實柴平三辰
禮祀乎大宗祇燎乎羣神遂發號羣司申戒百工卜筮
稱吉著龜襲從南征北伐馮相告祥清夷道而後行曜
四國而揚光展聖義於巡狩喜圻時而詠八荒指宗嶽
以爲期固岱神之所望散齋既畢越翼良辰域植增構
烈火燔燼暉光四煬焱爛薄天蕭香肆升清煙冒雲珪
璋戩戩犧牲絜純鬱鬯宗彝明水元樽空桑孤竹咸池
雲門六八而
變神祇並存

泰山志卷十一 秩祀

三國

魏明帝凡三東巡狩所過存問高年恤疾苦或賜穀帛有

古巡幸之風焉晉書禮志

北魏

太武帝太平真君十一年十一月帝南征過岱宗祀以太

牢册府元龜

隋

文帝開皇十五年春正月壬戌車駕次齊州丙寅旅玉符

山庚午祠泰山三月己未至自東巡狩望祭五嶽本紀

唐

高宗麟德二年幸東都遂幸東嶽

元宗開元十三年十月發東都赴東岱以上文獻通考

明

成祖永樂七年三月車駕巡守駐蹕東平望祭泰山明史彙

二 祀典

唐虞三代

望于山川徧于羣神

祭百神及河喬嶽

諸侯祭名山大川之在其地者 禮器齊人將有事於

泰山必先有事於配林 祭法四坎壇祭四方也

周禮大宗伯以血祭祭社稷五祀五嶽 國有大故則旅

上帝及四望 小宗伯兆五帝於四郊四望四類亦如之
若軍將有事則與祭有司將事於四望 肆師之職立
次祀用牲幣 典瑞兩圭有邸以祀地旅四望 司服祀
四望山川則毳毼 大司樂乃奏如洗歌南呂舞大磬以
祀四望 大祝國將有事於四望及軍歸獻於社則前祝
春秋隱公八年傳鄭伯請釋泰山之祀而祀周公以泰山
之祊易許田三月鄭伯使宛來歸祊不祀泰山也 僖公
三十一年夏四月四卜郊不從乃免牲猶三望 宣公三
年春王正月郊牛之口傷改卜牛牛死乃不郊猶三望
秦
始皇帝并天下令祠官所常奉名山一曰泰山春

為歲祠因泮凍秋涸凍冬饗禱祠其牲用牛犢各一牢且
珪幣各異史記

漢

宣帝神爵元年制詔太常五嶽皆有常禮祀東嶽泰山於
博使者持節侍祠歲五祠漢書郊祀志

三國

魏文帝黃初元年十一月庚午以卽阼燎祭五嶽本紀
二年六月庚子祀嶽瀆瘞沉珪璧冊府元龜

晉

元帝建武元年令郡國有五嶽者置宰視三人以孟春仲
冬祠之隋禮志

明帝太寧三年七月詔以五嶽四瀆望秩久廢主者其依

舊詳處紀本

成帝咸和八年立北郊祀地祇地郊五嶽從祀文獻通考

北魏

明元帝泰常三年立五嶽廟於桑乾水陰春秋遣有司致祭有牲及幣準古望秩云

獻文帝皇興二年二月以青徐既平遣中書令兼太常高

允奉玉幣祀於東嶽以上北魏書禮志

祝文正址坤元作鎮東夏齊二儀以永固崇至德以配天故能資元氣以造物協陰陽而變化若其崑嶺峭峙川谷幽深神怪譎詭倏忽百靈吐納風雲有成萬品攝生之所歸焉禎祥之所萃焉是以歷代帝王之崇封禪銘功以告其成七十二君咸在茲焉自非功侔造化應同自然孰能若此者哉自我國家肅恭禋祀懷柔百神

邦域之內罔不咸秩往以天路未夷雖望祭有在

今大化既同奄有淮岱謹薦於嶽宗之靈尚饗

季文帝太和十九年正月己亥帝南征二月壬戌詔班師四月己未行幸瑕邱遣使以太牢祀岱嶽本紀

祝文造化氤氳是生二儀元黃既闢山川以離四流含靈五嶽苞祇并兼方象出納望義岱宗穹崇梁父盤崛青邱礪嶧春趾鬱嶺肇生庶類啟光品物上敷神工下融靈秩載協化交四氣亦溘百王鐫成莫不茲室

北齊

文宣帝天保元年六月己卯詔分遣使致祭五嶽本紀

唐

武德貞觀之制五嶽以五郊迎氣日祭之東嶽岱山祭於兗州其牲皆用太牢祀官以當界都督刺史充文獻通考

元宗開元五年十二月戊寅詔詳定嶽瀆典禮十三年

十一月壬辰詔封泰山神為天齊王禮秩加三公一等宜
令所管崇飾祠廟去山十里禁樵採 十八年正月丁巳
詔五嶽四瀆各令郡縣逐處設祭 十九年四月甲辰命
有司祭五嶽四瀆以尚書省諸曹郎分往諸州祭焉 二
十年四月戊申命有司擇日就祭五嶽 十一月庚申制
五嶽四瀆各令致祭務盡誠潔 以上册
府元龜
二十二年春正月癸卯制嶽鎮用牲牢餘并以酒脯充奠
開元 禮 一六月以多雨令高品官祭五嶽 二十三年正月
乙亥詔五嶽所在長官以禮致祭 二十五年十月戊申
敕禮部尚書杜暹祭東嶽 天寶元年正月丁未改元五
嶽四瀆并令所在州縣致祭 甲寅以得靈符又令所在

長官備禮祭五嶽 十二月乙亥令光祿卿嗣鄭王希言
祭東嶽 天寶三載四月丙辰令太子詹事嗣許王瓘祭
東嶽 六載正月戊子以加封四瀆令所在長官致祭五
嶽 七載五月壬午以上尊號詔所在長官致祭五嶽
八載九月詔令宗正卿褒信郡王璆等分祭五嶽 十載
正月甲子制專使分祭五嶽 二月己亥遣嗣吳王祗祭
東嶽 十二載二月制五嶽四瀆各委郡縣長官致祭其
祠宇頽毀者量事修葺 十四載八月辛卯以歲稔制令
郡縣長官秋後醮祭嶽瀆又詔令所在長官即擇日致祭
五嶽四瀆

代宗廣德二年二月詔五嶽宜令所管致祭 永泰元年

正月癸巳改元制令五嶽所管牧宰精誠致祭 大歷元年十一月甲子大赦改元制曰五嶽四瀆祀典攸存神理昭著宜以禮致祭 五年六月詔曰五嶽四瀆神明所居風雨是主宜委中書門下分使致祭以達精誠

德宗貞元二年詔太常卿裴郁等十人各就方鎮祭嶽瀆

四年五月初復御署祭嶽瀆祝版舊制

文獻通考太常卿董晉奏五嶽四瀆伏準開元禮每年各以五郊迎氣日祭之其祝版並合御署自上元元年中祠小祠一切權停自後因循不請御署其祝版欲至饗祭日所司準程先進取御署附驛發遞敕旨宜依仍所司每至時先奏附中使送往

順宗以貞元二十一年正月即位四月册皇太子詔五嶽委所在長吏量加祭祀

憲宗元和四年十月庚寅册皇太子詔五嶽所在長吏量加祭祀 七年十月庚戌制册皇太子五嶽委所在長吏量加祭祀

穆宗長慶元年七月壬子受册尊號禮畢詔五嶽各令所在以禮致祭

文宗太和八年二月庚寅大赦詔五嶽四瀆各委所在長吏致祭仍加豐潔以副精誠

五代

後晉高祖天福二年八月詔以正位差官祭告五嶽兼下遂州府量事修崇所有近廟山林仍宜禁斷樵牧 十月丙戌命使祠五嶽 六年詔嶽鎮廟宇宜令各修葺仍禁

樵蘇

後周太祖廣順二年五月親征兗州遣翰林學士竇儀祭

東嶽廟以上册府元龜

宋

太祖建隆元年六月平澤潞遣官祭泰山廟 四年平湖

南遣使祀南嶽繼令有司製諸嶽神衣冠劍履遣使易之

禮志 乾德元年五月甲寅遣使禱雨嶽瀆 二年三月丁

酉遣使祈雨五嶽 九年七月辛亥修五嶽祠廟本紀

開寶五年詔自今五嶽各以本縣令兼廟令尉兼廟丞專

掌祀事常加案視務於調潔仍繕其廟宇祭器之數受代

日交以相付本州長吏每月一詣廟察舉縣近廟者遷

所就之文獻通考

太宗雍熙三年八月丁未大雨遣使禱嶽瀆 淳化元年

夏四月庚戌遣中使詣五嶽禱雨俱本紀 二年二月祕書

監李至請遵舊禮五嶽就迎氣日各祭於所隸之州長吏

以次為獻官其後立春日祀東嶽岱山于兗州禮志 一至道

元年二月八日以早祀五嶽故事御書祝版學士言五嶽

視三公稱名恐非古上曰唐德宗猶拜風雨朕為民祈福

無憚桑林之禱舊制豈可廢玉海

真宗大中祥符元年加號泰山為仁聖天齊王遣職方郎

中沈維宗致告又封威雄將軍為炳靈公通泉廟神為靈

派侯亭亭山神為廣禪侯各遣官致告詔泰山四面七里

禁樵採給近山二十戶以奉神祠社首徂徠並禁樵採

四年五月乙未加上東嶽為天齊仁聖帝禮志九月辛卯

向敏中等為五嶽奉册使冬十月戊申御朝元殿發五嶽

册本紀十一月戊戌又加上東嶽帝后號曰淑明遣官祭

告禮志五年二月命晁迥等撰加五嶽帝號碑玉海八月

己未作五嶽觀

晁迥換碑文入金石記

仁宗慶歷三年夏四月丙辰以春夏不雨遣使禱于嶽瀆

嘉祐元年春正月朔御大慶殿受朝命諸州長吏致祭

嶽瀆

英宗即位於嘉祐八年五月戊辰初御延和殿以疾未平

命禱于嶽瀆 治平二年九月乙酉以久雨遣使祈于嶽

瀆以上本紀

神宗熙寧元年以祈雨命諸路擇端誠修潔之士禱嶽瀆

禮志元豐三年集賢校理陳侗請依周禮建四望壇於四

郊以鎮五嶽四瀆庶合於經詔下詳定禮文所詳定

文獻通考

哲宗元祐五年二月癸卯禱雨嶽瀆本紀元符三年修東

嶽廟命曾肇撰碑文為殿三日嘉寧蕃社儲佑玉海

徽宗宣和四年九月有司以泰嶽廟成奏功詔學士承旨

宇文粹中撰修嶽廟碑廟碑

高宗紹興七年五月壬申命禮官舉嶽鎮海瀆之祀本紀

太常博士黃積厚言嶽鎮海瀆請以每歲四立日分祭如祭五方帝禮詔從之

禮志

金

世宗大定四年六月庚午初定祭五嶽四瀆禮禮官言嶽鎮海瀆當以五郊迎氣日祭之詔依典禮以四立土旺日就本廟致祭其在他界者遙祀立春祭東嶽于泰安州其封爵並仍唐宋之舊

禮志

十九年敕修嶽廟

廟志

章宗明昌元年五月丙子以祈雨望祭嶽鎮海瀆

三年三月丁酉命有司祈雨望祀嶽鎮海瀆

四月丁卯復以祈雨望祭嶽鎮海瀆

五月己丑以雨足望祀嶽鎮海瀆

四年六月丙辰以晴致祭嶽鎮海瀆

承安元年三月丁酉不雨遣官望祭嶽鎮海瀆于北郊

丁未復遣使就祈于東嶽

四月己卯遣官望祭嶽鎮海瀆

十一月癸卯命有司祈雪仍遣官祈于東嶽

二年夏四月丙辰命有司祈雨望祭嶽鎮海瀆

五月甲申以雨足望祭嶽鎮海瀆

四年五月戊戌命有司望祭嶽瀆禱雨

六月辛巳遣官報祀嶽瀆

五年六月乙巳遣有司祈晴望祭嶽瀆

七月乙卯朔以晴遣官望祭嶽瀆

太和四年二月丁酉詔祈雨東北二嶽

四月丙午以祈雨望祀嶽瀆

五月乙丑有司請雩詔三禱嶽瀆辛卯報謝嶽瀆

宣宗興定二年七月己卯以旱災遣官望祀嶽鎮海瀆

本紀

元

嶽鎮海瀆祭祀之禮使者奉璽書即其處行事曰代祀代祀自中統二年始凡十有九處分五道後乃以東嶽東海東鎮北鎮為東道道遣使二人集賢院奏遣漢官翰林院奏遣蒙古官出璽書給驛以行中統初遣道士或副以漢

官祭祀志

世祖中統二年秋七月乙丑遣使持香幣祀嶽瀆本紀至

元三年夏四月定歲祀嶽鎮海瀆之制正月祀東嶽鎮海

瀆土王日祀泰山于泰安州祭祀志秋七月丙午四年

四月辛未五年四月壬寅俱遣使代祀嶽瀆六年四

月甲午遣使祀嶽瀆九年正月辛巳刺燕王遣使持香

旛祀嶽瀆十一年二月辛卯遣使代祀嶽瀆十二年

二月庚午命怯薛丹察罕不花侍儀副使關思義真人李

德和代祀嶽瀆二十三年五月乙未遣使代祀嶽瀆秋

七月丙辰遣使持香幣祀嶽瀆十四年二月甲子十

六年二月丙午十七年二月辛丑俱遣使代祀嶽瀆

十八年正月辛亥遣使代祀嶽瀆十九年二月辛卯遣

使代祀嶽瀆二十一年正月甲戌遣蒙古官及翰林院

各一人祀嶽瀆二十二年春正月甲申遣使代祀五嶽

二十三年春正月壬午太陰犯軒轅太民遣使代祀嶽

瀆二十四年春正月庚寅二十五年春正月丁酉

二十六年春正月辛丑二十七年春正月丁巳俱遣使

代祀嶽瀆 二十八年二月丁酉詔加五嶽四瀆四海封
號各遣官詣祠致告加上東嶽爲天齊大生仁聖帝 二
十九年二月甲子 三十年春正月丁亥俱遣使代祀嶽
瀆

成宗元貞二年二月丙寅遣使代祀嶽瀆 大德元年六
月甲午諸王也里干遣使乘驛祀五嶽命追其驛券仍切
責之 二年二月癸未詔諸王駙馬毋擅祀嶽鎮海瀆

四年二月乙卯遣使祀東嶽

武宗至大元年三月丁卯遣使祀五嶽

仁宗皇慶元年十二月丁亥遣官祈雪於嶽鎮海瀆

泰定帝泰定元年秋七月庚寅 二年八月辛丑俱遣使

代祀嶽瀆 三年三月乙巳帝以不雨遣使分祀嶽瀆

四年閏九月甲戌命致祭五嶽

文宗天歷元年九月壬戌遣使祭五嶽 二年冬十月庚

戌遣使代祀五嶽 至順二年冬十月甲辰遣秘書太監

王珪等代祀嶽瀆 三年六月癸丑遣使分祀嶽瀆

順帝至正二年春正月癸巳遣翰林學士三保等代祀五

嶽

以上本紀

明

太祖洪武二年二月命都督孫遇仙等分祭嶽瀆

禮儀志

三年詔定嶽鎮海瀆神號畧曰爲治之道必本於禮嶽鎮
海瀆之封起自唐宋夫英靈之氣萃而爲神必受命於上

帝豈國家封號所可加瀆禮不經莫此為甚今依古定制

禮儀志

六月二十日制曰磅礪東海之西中國之東參穹靈秀生同天地形勢巍然古昔帝王登之觀滄海察地利以安民生祝曰泰山於敬則致於禮則宜自唐始加神之封號歷代相因至今曩者元君失馭海內鼎沸生民塗炭予起布衣承上天后土之命百神陰佑削平暴亂正位稱職當奉天地享鬼神以依時統一人民法當式古今寰宇既清特修祀儀因神有歷代封號予起寒微詳之再三畏不敢效蓋神與穹同始靈鎮一方其來不知歲月幾何神之所以靈人莫能測其職受命於上天后土為人君者何敢預焉懼不敢加號特以東嶽之神名其名依時祭神惟神鑒之

十年八月以天下寧謚遣曹國公李文忠道士吳永興鄧子方代祀泰山樹碑嶽廟詔自今以後歲以仲秋詣祠致

御製祝文朕荷上天后土之眷命蒙神之效靈以致平群雄息禍亂君主黔黎於華夏統控蠻夷於今十年中國康寧然於神之祀若以上古之君言之則君為民而禱歲有春祈秋報之禮於斯之際有望於神而祭者有巡守於所在而燎瘞者今予自建國以來十年于茲國為新造民為初安是不得親臨所在而祀神也特遣開國忠臣李文忠道士吳永興鄧子方以代子行奉犧牲祝帛於祠下以報效靈自今以後歲以仲秋詣祠致祭惟神鑒之尚饗

十一年遣道士吳永興官行甫祭泰山

告文惟神靈時方嶽鍾秀后祇主司生民厥功允大時維仲秋禮當報祀特命使者奉犧牲祝帛詣祠致祭伏惟鑒知尚饗

二十八年討龍州趙宗壽遣神樂觀道士樂本然國子監生王濟祭告泰山

御製祝文昔者元運將終英雄並起民患兵殃時子亦與羣雄並驅輯兵保民上帝默相山川受命效靈所在

必克轉戰五年餘方乃兵偃民息衆樂生生之計天下
太平二十八年矣今洪武乙亥四月間廣西布政司報
蠻夷酋長龍州趙宗壽奉議州黃世鐵不循治化負國
殃民兵興之事本重既行不敢不告所以告者兵行十
萬各離父母妻子途間飢飽勞逸山嵐瘴氣患者有之
此兵行之難兵入其境良民受害且大軍所過荆棘不
生民驚且疑未有不傷者也此其所以告也但欲瘴癘
之方化煙嵐爲清涼之氣俾殄渠魁良民安業軍士速
回咎得完聚以養父母是其禱也然予未
敢輕告上帝惟神鑒之爲予轉達謹告

三十年九月以用師西南夷遣道士朱鐸如監生高翥祭

告泰山

御製祝文昔元末兵爭傷生者衆子荷皇天眷命嶽鎮
海瀆山川效靈諸將用命偃兵息民今三十年矣兵燹
之餘民方安定邇來西南戍守諸將不能昭布仁威但
知肥已虐人致令諸夷苗民困窘而奮怒攻屯戍致傷
戍守善民者予非敢用兵由是不得已指揮諸將帥兵
進討然山川險遠彼方草木茂盛煙嵐雲霧鬱鬱之氣
吞吐呼吸則人多疾疫此行人衆各辭祖父母父母妻
子涉險遠以靖邊夷以安中夏萬冀神靈轉達上帝賜

清涼之氣以消煙嵐早定諸夷速歸營壘得奉祖父母
皇馬團圓是其禱也今年九月二十六日兵行特

帛牲醴先
告尙饗

戊申 四年七月師討安南遣道士嚴士安監生馬武

致祭泰山

祝文昔者奸臣構禍屠害諸王以及於子予不得已以
兵自戡賴皇天眷佑嶽鎮海瀆效靈獲定內難遂一社
稷爰自即位以來休養黎庶普天率土均視同仁今安
南賊人黎季釐及子孫黎蒼驕盈兇悖屢犯邊疆又侵
思明府蘇州等處地方予爲寬容不肯興師問罪但遣
使諭使還地黎賊巧詞支吾所還之地多非其舊還地
之後復據西平州逼脅命吏又侵寧遠州地方占管人
民殺虜男女邊境之人數年之內罹其荼毒豈可勝言
況安南之人受其禍害不遺一家占城之地被其劫掠
已踰數處遣人告諭冀其改過罔有悛心益驕益甚予
爲天下之主恭天威命安忍坐視民患而不之救今特
命將出師聲罪致討實出子之所不得已心在救民豈
敢用兵尙念兵士遠行離其父母妻子山川險阻嵐瘴
鬱蒸敗涉勞勩易於致疾子惟念此深用不寧惟冀神

泰山志卷十一

秩祝

左

靈鑒于誠惟開于上帝賜以鴻麻潛消瘴癘大振兵威
早獲渠魁永安遐癘今年七月十六日兵行特遣人致
香帛牲體先詣
神所謹告尙饗

五年討安南遣道士復生監生張禮致祭泰山

文凡者安南逆賊黎季犛及子孫黎蒼暹兇肆暴屢
肆邊疆侵奪思明府祿州等處地方子加寬貸不肯與
師問罪但遣使諭使還地黎賊巧詞支吾所還地多非
其舊還地之後復據西平州又侵寧遠州逼脅命吏占
管人民劫掠資財殺虜男女邊境之民受其殘酷安南
之人并被其害誅求百端老幼不寧占城之地年遭
其劫掠子數遣人告諭冀其改過而賊稔惡且甚罔有
後心子魯天下主視民塗炭安忍不救乃命將出師聲
罪致討魯社弔民豈敢用兵實出於不得已後皇天后
土眷祐嶽鎮海濱效靈將士奮志賈勇悉掃蕩其孽黨
撫安其良善尙念將士暴露于外離其父母妻子山川
險阻道里迢遞今天氣炎熱恐嵐瘴鬱蒸起居失調易
於感疾于夙夜念此寢食不寧萬冀神靈鑒于誠惟開
于上帝賜以鴻麻潛消瘴癘俾降清凉使將士安寧百
疾不作特遣人致香帛牲
體先詣神所祭告尙饗

宣宗宣德十年五月遣泰安知州胡宗敏致祭祈年

英宗正統元年五月以嗣承大統遣吏科給事中車遜祭

告泰山 三年遣泰安知州胡宗敏致祭祈年 九年夏

早遣翰林院侍讀習嘉言致祭祈雨

代宗景泰元年閏正月以嗣承大統遣禮部左侍郎傅銘

祭告泰山 二年遣工部右侍郎張敏致祭泰山

吾文天降膏澤在風雨率其職地湧甘泉由嶽瀆效其
靈敷布天地之澤施秘風雨嶽瀆不得辭其責也今歲
雨暘時順所以澤萬物者至矣而獨泉流不浹所以灌
百川者歉焉河不由其道而水決於海泰山四濟之源
復秘南托漕運之渠日涸此又何如天地均有矜惠生
民之心神何獨無奉若天命之意務使河循故道分漑
朔南而復誕布泉源廣慰輿望神既有以塞其
責朕亦有以賴於神神其鑒格專候感孚謹告

三年以河流泛溢遣太子太保都御史王文祭泰山

祝文茲者河流泛溢自濟寧州以南至于淮北民居農
畝皆被墊溺所在救死不瞻朕實傷切于懷夫朕敷政
以惠民神出泉以澤物皆上帝所命今泉流溢於淮泗
災害及於公私伊誰之責固朕不德所致神亦豈能獨
辭必使泉出得宜民以為利而不以為患然後各得其
職仰無所負而俯無所愧專候感通以慰懇切謹告

四年以雨雪過多遣刑部尚書薛希璉祭泰山 秋又遣

翰林院編修王慎致祭祈雨 五年遣太常寺少卿李宗

周致祭祈雨 六年遣刑部尚書薛希璉祭泰山祈年

胥文恭承天命重付眇躬民社所依災祥攸繫志恒內
省政每外垂或寒燠愆期或雨暘踰度旧疇失利穀麥
不登憂切民心妨及國計究推所自良由在茲然因咎
致災固朕躬罔避而轉殃為福實神職當專夫有咎無
功過將惟一轉殃為福功孰與
均特致懇祈幸副懇望謹告

憲宗成化元年四月以嗣統遣尚寶司丞李木祭告泰山

四年遣山東巡撫都御史原傑致祭祈年 六年

部尚書李希安祭泰山祈雨 以上岱史 九年遣禮部左侍郎

劉吉祭泰山祈雨 廟碑 十三年以連歲災禱遣山東左布

政使陳儼致祭祈年 二十年以祈雪遣山東布政使戴

琪祭告泰山 二十一年地震遣山東巡撫盛容祭告泰

山

胥文惟神自開闢來作鎮東土興致雨雲茂育萬物靈
明克昭蒸民攸賴是以歷代報祀之典有隆無替乃今
歲二三月間震動數次意者人事不修不齊瀆神弗安
弗寧守臣疏達朕心憂惶祗備香帛命官往祭望喬嶽
以虔祈冀鑒臨而奠位助司元化誕福斯人
夫古今瞻仰者在茲國家欽崇者在茲謹告

孝宗宏治元年三月以嗣統遣大理寺右少卿李介祭告

泰山 四年遣左通政元守直祭泰山祈雨 六年遣山

東巡撫王壽致祭祈雨 七年河決張秋遣平江伯陳銳

右副都御史劉大夏右僉都御史熊翀督工修築祭告泰山
十年遣山東巡撫熊翀祭告祈雨 十二年詔修東
嶽廟 十七年遣右副都御史徐源致祭祈雨

武宗正德四年正月遣山東布政使司左參政張文佐致
祭祈年 五年遣戶部左侍郎喬宇祭泰山祈雨

祝文此者曠厲踰時雨澤少降水泉枯涸運道艱意
者政有乖違上干叶氣予心警惕內自省循爰飭有司
各修乃事粵惟齊魯之地泉源是鍾名山大川神所居
守敬將香帛特遣廷臣仰冀明靈幹旋大化沛施甘澤
濬發河流庶使國餉疏通田禾
暢茂民生有賴邦本無疆謹告

六年以兵討寧夏逆黨就擒遣山東布政使司右參議徐

永告謝泰山

告文去歲以來寧夏作孽命官致討逆黨就擒內變肅
清中外底定非承洪佑曷克臻茲因循至今未申告謝

屬者四方多事水旱相仍餓殍載塗人民困苦盜賊嘯
聚剿捕未平循省咎由實深兢惕伏望神慈昭鑒幽贊
化機災沴潛消休祥叶應
佑我國家永庇生民謹告

七年遣山東布政使司左參政張津祭告祈年

世宗嘉靖元年三月以嗣承大統遣吏部尚書石瑤祭告

泰山 十一年命泰安知州李收祭泰山祈嗣

祝文惟神鍾靈孕秀鎮奠一方陰翊國家其來尚矣朕
以寡昧恭承天命十有一年于茲敬事神祇罔敢少懈
顧儲宮未立恒切于懷茲者特具牲帛醴齊遣官虔禱
伏望茂著神功錫子元嗣則我國家綿慶禎于無窮而
神亦享福于有
永矣伏惟尚饗

十七年元子誕生命泰安知州丁方告謝泰山 三十二

年閏三月以黃河漲溢遣山東巡撫沈應龍致祭泰山

三十三年二月以修濬工成遣山東巡撫沈應龍告謝泰

山 夏四月遣巡撫沈應龍祭告祈年

穆宗隆慶三年以水災遣山東巡撫姜廷頤祭告泰山以上

岱 六年漕河橫溢遣山東巡撫傅希摯祭泰山廟碑

神宗萬歷元年以嗣統遣左布政使曹科祭告泰山岱史

儀注

唐虞三代

柴望秩于山川肆覲東后協時月正日同律度量衡修五

禮五玉三帛二生一死贄如五器卒乃復尙書舜典

夏后氏因之

周制十二年一巡守以上通典

秦

秦并天下令祠官所常奉天地名山大川鬼神可得而祀

也 漢書郊祀志

漢

高祖初悉召故秦祀官復置太祀太宰如其故儀文獻通考

章帝元和二年詔曰山川百神應祀者未盡其議增修羣

祀宜享祀者後漢書祭祀志

晉

新禮巡狩方嶽柴望告設壇官如禮諸侯之覲者賓及執

贄皆如朝儀而不建旂晉書禮志

北齊

北齊有巡狩之禮并登封之儀竟不行通典

岳鎮海瀆亦各於其方配郊而祀之

隋

隋制行幸所過名山大川則有司致祭嶽瀆以太牢

岳瀆各依五時迎氣日遣使就其所祭之以太牢以上隋書禮儀

志

唐

皇帝巡狩儀將巡狩所司承制先頒告于東方諸州曰皇帝二月東巡守各修平乃守考乃職事無敢不敬戒國有大刑駕將發告圓丘宗廟社稷皆如別儀皇帝出宮大備鹵簿皆如常儀較于國門祭所過山川如親征之禮所經州縣刺史縣令先待于境通事舍人承制問百年古先帝

王名臣烈士皆州縣致祭 右鑾駕出宮

將告將作先於泰山下修園壇四出陞若先有封禪祀天壇即不須別築

前告三日尚舍直長施大次於外壇東門之內其設文武侍臣次陳

位設宮懸樂燎壇之制一如園丘儀前一日皇帝清齋於行宮

應告之官皆於告所清齋一日近侍之官應後升者及從

告羣官諸方客使皆於其所俱清齋一宿諸衛令其屬捕

後一刻各以其方器服守衛壇門與太樂工人俱清齋一

宿奉禮設御位於壇之東南西向設告官司徒執事者御

史奉禮贊者協律郎太樂令望燎位東方諸州刺史縣令

介公讎公文武九品以上官西方北方番客等位並如上

辛圓丘儀其褒聖侯等亦如之設告官以下門外位於東西壇門之

外道南皆如設次之式郊社令帥府史一人及齋郎以樽

站罍洗篚罍入設於位並如常儀執樽罍篚罍者各位於

樽罍篚罍之後告日未明十五刻太官令帥宰人烹牲於

厨蒼牲一未明四刻太史令郊社令各服其服升設昊天

上帝神座於壇上北方南向席以藁秸設高祖神堯皇帝

神座於東方西向席以莞設神位各於座首未明三刻諸

告官以下各服其服郊社令良醞令各帥其屬入實樽罍

及玉天帝太樽二配帝著樽二俱實以汎齊其太祝以玉

帛置於篚太官令帥進饌者實諸籩豆簠簋等皆設於饌

幔內未明三刻奉禮帥贊者先入就位贊引引御史太祝

以下入行掃除如常儀訖各就位皇帝服袞冕乘輅發行

宮奏請進發內外器服如常儀駕將至謁者贊引各引告

官通事舍人引從告羣官東方刺史縣令諸方客使俱就

門外位駕至大次門外迴輅南向其降輅之大次謁者引

位皇帝奠玉帛初皇帝既升奠玉幣太官令帥進饌者其

等儀並如圓丘饌奉樂之儀並如圓丘天帝之饌諸太祝迎引於壇上各

升自南陛配帝之饌升自東陛饌設於神座前設訖謁者引司徒以下降自東陛復位諸太

祝各還樽所太常卿引皇帝詣罍洗樂作其盥洗酌獻奏

如圓丘其祝訖與皇帝再拜初讀祝文訖樂作大祝進奠

文臨時撰其酌獻配帝奏樂讀皇帝拜訖樂止太

板於神座還樽所祝之儀並如圓丘皇帝拜訖樂止太

常卿引皇帝進天帝神座前北向立樂作太祝各以爵酌

福酒其飲福受胙奏樂皇帝謁者引司徒降復位太祝各

還板位之儀並如圓丘

泰山志卷十一 秩祀

進徹豆還罇所奉禮曰賜酢其衆官受酢皇帝望燎及太祝燎牲體玉幣皇帝還大次

禮官二人次出右燔柴告至

皇帝既還大次侍中板奏請解嚴將士不得離部伍皇帝改服通

天冠絳紗袍乘輅奏請還宮如常儀 右鑾駕還行宮

柴之明日望秩祀于岳鎮海瀆山林川澤邱陵墳衍原隰

將祭所司先為壇於祭所其神皆以尊卑為叙重行南向

前三日守宮設祭官以下次於東壝之外道南北向以西

為上設陳饌幔於內壝東門之外道北南向前二日太樂

令設宮懸之樂於壇南設登歌於壇上皆如常儀右校掃

除壇內外又為瘞瘠於壇北之壬地外壝之內方深取足

容物前一日諸祭官各清齋於祭所諸衛令其屬哺後一

刻各以其方器服守衛壝門與太樂工人俱清齋一宿奉

禮設祭官位於內壝東門之內道北執事位於道南俱西

向北上設御史位於壇下一位於東南西向一位於西南

東向令史各陪其後設奉禮位於樂懸東北贊者二人在

南差退俱西向協律郎位於壇上在西陛之西東向設太

樂令位於北懸之間設望瘞位於瘞瘠之東西向設祭官

以下門外位於外壝東門之外道南每等異位北向西上

設酒罇之位岳鎮海瀆各山壘二山川林澤俱蜃罇二邱

陵墳衍原隰俱散罇二各於壇上南陛之東北向西上其岳

壇上加山壘二壘置於山罇東北向皆加白罇設玉筐於罇坫之所設洗於壇南

陸東南如常執罇壘篚罇者各位於罇壘篚罇之後郊社

令帥齋郎以罇沽鬯洗篚罍入設於位祭日未明十五刻
 太官令帥宰人以鑿刀割牲齋郎以豆取牲血置於饌所
 遂烹未明二刻太史令郊社令各服其服入設神座各於
 壇上北方南向席皆以莞設神位各於座首未明一刻祭
 官以下各服其服郊社令良醞令入實罇罍及玉山罍實以醞齊
 屬罇實以汎齊散罇及山罍皆實以清酒齊加明太祝以
 水酒加玄酒各實於上罇祭神之玉以兩珪有邸
 幣置於篚太官令帥進饌者實諸籩豆簋簠等奉禮帥贊
 者先入就位贊引引御史太祝與執罇罍篚罍者入自東
 門當壇南重行北向西上立定奉禮曰再拜贊者承傳御
 史以下皆再拜訖執罇罍篚罍者各就位贊引引御史詣
 壇東陞升行掃除於上令史祝史行掃除於下訖引就位

質明謁者引獻官贊引引執事者俱就東門外位太樂令
 帥工人次入就位謁者贊引各引獻官以下入就位立定
 奉禮曰再拜在位者皆再拜謁者進獻官之左白有司謹
 具請行事退復位協律郎跪俛伏舉麾鼓祝奏頌和之樂
 以蕤賓之均自後壇下之樂皆奏始洗樂三成偃麾戛鼓樂止奉禮曰
 再拜獻官以下皆再拜太祝取玉於篚立於罇所謁者引
 獻官詣岳壇升自南陞北向太祝以玉幣東向授獻官受
 登歌作肅和之樂以函鍾之均謁者引獻官進北面跪奠
 於岳神之座俛伏興謁者引退北面再拜訖登歌止謁者
 引獻官降自南陞還本位初獻官升奠玉幣太官令帥進
 饌者奉饌陳於東門外登歌止太官令引饌入俎初入門

雍和之樂作饌至陞樂止饌升南陞太祝迎引於壇上設於岳神座前

籩豆盞罍徹之如式

設訖太官令以下降自東陞以出

太祝還罇所其鎮海以下之饌皆祝史迎於壇上設於神座前相次而畢訖謁者引獻官詣罍盥手洗爵訖謁者引升自南陞詣酒罇所執罇者舉罍獻官酌醴齊訖樂作謁者引詣岳神座北向跪奠爵與謁者引獻官少退北向立樂止初獻官進奠爵祝史各以爵酌奠鎮海以下還罇所太祝持板於神座之右東面跪讀祝文

祝文臨時授

訖與獻

官再拜初讀祝文訖樂作太祝進奠板於神座還罇所獻官拜訖樂止太祝酌罍福酒進獻官之右西向立獻官再

拜受爵跪祭酒啐酒奠爵與太祝帥齋郎進俎太祝減神

前三牲胙肉

皆取前脚第二骨

加於俎西向授獻官受以授齋郎

獻官跪取爵遂飲卒爵太祝受爵復於俎獻官與再拜謁者引獻官降復位諸祝各徹豆如常訖還罇所奉禮曰賜胙贊者唱再拜在位者皆再拜獻官不拜順和之樂作奉禮又曰再拜獻官以下皆再拜樂一成止謁者進獻官之左白請就望瘞位西向立於衆官將拜諸太祝各執篚進神座前跪取玉幣齋郎以俎載毛血等各由其陞降壇詣瘞培以物置於培訖奉禮曰可瘞培東西各四人寘土半培謁者進獻官之左白禮畢遂引出贊引引執事者以次出又贊引引御史太祝以下俱復執事位奉禮曰再拜御史以下皆再拜訖出贊引引工人以次出其祝板燔於齋

所以上開 右望秩于山川

望秩之明日肆觀東后朝觀之明日左右丞相以考制度
事奏聞 節錄開 一右肆觀東后考制度

祭嶽鎮海瀆儀諸嶽鎮海瀆每年一祭各以五郊迎氣日
祭之前祭五日諸祭官各散齋三日致齋二日如別儀前
一日嶽令清掃內外又為瘞培於壇壬地方深取足容物
贊禮者設初獻位於壇東南亞獻終獻於初獻南少退俱
西向北上設掌事者位於終獻東南重行西面以北為上
設贊唱者位於終獻西南西向北上設獻官等望瘞位於
瘞坎之東北西向設祭官以下門外位於南門之外道東
重行西向以北為上祭器之數罇六盞十豆十簋二簠二

俎三嶽令帥其屬詣壇東陞升設罇於壇上東南隅北向

西上 罇皆加勺鬯 設玉篚於罇坫之所設洗於南陞東南

北向罇水在洗東篚在洗西南肆 篚實以巾爵 執罇罇洗篚者

各位於罇罇洗篚之後祭日未明烹牲於廚 其牲各隨方

先取血毛 夙興掌饌者實祭器 牲體牛羊豕皆載右胖前

置於饌所 載之後脚三節節一段去下節載上股略二節又取正脊

艇脊橫脊短脊正脊代脊各二骨以並餘皆不設篋實稷

黍簋實稻粱籩十實石鹽乾魚棗栗榛菱芡鹿脯白餅黑

餅豆十實韭菹醢醢菁菹鹿醢芹菹兔醢笋菹魚醢脾菜

菹豚胎若上無者 凡祭官各服其服 三品毳冕四品繡冕

爵弁若有一二品 嶽令帥其屬入詣壇東陞升設嶽神座於

壇上近北面南向席以莞又實罇罇及玉 凡罇一實醴齊

清酒其元酒各實於上 祝版置於坫嶽令又以幣置於篚

饌祭神之玉兩珪有邸

秩祀

齋郎以豆血皆設於饌所

其幣長丈八尺各隨方色

贊唱者先入就位

祝與執樽壘篚者入當壇南重行北面以西為上立定贊

唱者曰再拜祝以下俱再拜執樽者升自東陞立於樽所

執壘篚者各就位祝詣壇東陞升行掃除於上降行掃除

於下訖各就位贊明贊禮者引祭官以下俱就門外位立

定一刻頃贊唱者曰再拜在位者皆再拜贊禮者進初獻

之左白有司謹具請行事退復位贊唱者曰再拜在位者

皆再拜祝跪取玉幣於篚興立於樽所

凡取物者皆跪俛伏而取以興奠物

奠訖俛伏而後興

掌饌者帥齋郎奉饌陳於東門之外贊禮者引

初獻詣壇升自南陞進神座前北向立祝以玉幣東向進

初獻受玉幣還樽所贊禮者引初獻進北向跪奠於神座

與少退北向再拜贊禮者引初獻降還本位掌饌者引饌

入升自南陞祝迎引於壇上設於神座前掌饌帥齋郎降

自東陞復位祝還樽所贊禮者引初獻詣壘洗盥手洗爵

升自南陞詣酒樽所執樽者舉罍初獻酌醴齊贊禮者引

初獻進詣神座前北向跪奠爵與少退北向立祝持版進

於神座之右東面跪讀文曰維某年歲次月朔日某嗣天

子某謹遣某官某敢昭告于東嶽岱宗維神資養萬品作

鎮一方式因春始謹以玉幣犧齊粢盛庶品朝薦於東嶽

岱宗尚享訖與初獻再拜祝進奠版於神座還樽所祝以

爵酌清酒進初獻之右西向立初獻再拜受爵跪祭酒啐

酒奠爵祝帥齋郎以俎進減神座前胙肉前脚第二節其

置一俎上以授初獻初獻受以授齋郎初獻跪取爵遂飲
 卒爵祝進受爵復於坵初獻興再拜贊禮者引初獻降復
 位於初獻飲福酒贊禮者引亞獻詣罍洗盥手洗爵升自
 東陛詣罇所執罇者舉罇亞獻酌盞齊贊禮者引亞獻詣
 神座前北面跪奠爵興少退北向再拜祝以爵酌清酒進
 於亞獻之右西向立亞獻再拜受爵跪祭酒遂飲卒爵祝
 受虛爵復於坵亞獻興再拜贊者引亞獻降復位初亞獻
 將畢贊禮者引終獻盥洗升獻飲福如亞獻之儀訖贊禮
 者引終獻降復位祝進神座前徹豆還罇所贊唱者曰再
 拜非飲福受胙者皆再拜贊禮者進初獻之左白請就望
 瘞位西向立於獻官將拜嶽令進神座跪取幣齋郎以俎
 載牲體黍稷飯詣瘞坵以饌物置於坵東西廂各二人賓
 士半坵贊禮者進初獻之左白禮畢遂引初獻以下出祝
 與執罇罍篚筥者俱復執事位立定贊唱者曰再拜再拜
 訖遂出祝版燔於齋所

以上開元禮

宋

真宗大中祥符五年詔加上東嶽曰天齊仁聖帝命翰林
 禮官詳定儀注及冕服制度崇飾神像之禮其玉冊制如
 宗廟謚冊帝自作奉神述備紀崇奉意俾撰冊文有司設
 冊使一品鹵簿及授冊黃麾仗載冊輅袞冕輿於乾元門
 外各依方所羣臣朝服序班仗衛如元會儀土服袞冕御
 乾元殿中書侍郎引五嶽玉冊尚衣奉袞冕升殿土為之

與奉冊使副班于香案前侍中宣制曰今加上五嶽帝號
遣卿等持節奉冊展禮成承制再拜奉冊使以次升自東
階受冊于御座前降西階副使受袞冕輿于丹墀隨冊使
降立丹墀西玉冊發至乾元門外帝復坐冊使奉冊升輅
鼓吹振作而行東嶽冊次於瑞聖園及廟內外列黃麾仗
設登歌奉冊於車奉袞冕於輿使副袴褶騎從遣官三十
員前導及門奉置幄次以州長吏以下充祀官致祭畢奉
玉冊袞冕置殿內

宋史禮志

徽宗政和三年議禮局上五禮新儀五方嶽鎮海瀆壇各
高五尺周四十步四出陛兩壇每壇二十五步壇飾依方
色祭嶽鎮海瀆設位南向以西爲上山川從祀西向以

爲上諸嶽鎮海瀆年別一祭以祭五帝日祭之東嶽泰山

於兖州界

文獻通考

金

每歲御署祝版命守臣侍祠

岱史

元

世祖至元二十八年正月帝謂中書省臣曰五嶽四瀆祠
事朕宜親往道遠不可大臣如卿等又有國務宜遣重臣
入厥祠之漢人選名儒及道士習祀事者其禮物每處歲
祀銀香合一重二十五兩五嶽組金幡二鈔五百貫至則
守臣奉詔使行禮皇帝登寶位遣官致祭降香幡盒如前
禮惟各加銀五十兩五嶽中統鈔五百貫

祭祀志

明

凡遇天子巡狩經過嶽瀆禮部預期奏聞或親祭或遣官

俱翰林院撰告文太常寺備祭品

明史禮儀志

太祖洪武二年二月命使分祭嶽瀆是日上服皮弁服御

奉天殿禮官以香及祝文進上躬署御名以香祝授使者

百官公服送至中書省使者就行香用黃金爲盒以貯之

黃綺旛二白金二十五兩以供市祭物牲用太牢幣各從

其方色令所在有司歲二祭以清明霜降

禮儀志

歲春秋二仲月泰安州祀禮先丁祭一日

禮儀志

泰山志卷第十一

泰山志卷第十二

朝議大夫山東泰安府知府休寧金榮纂輯

封禪志

自古受命帝王曷嘗不封禪蓋有無其應而用事者矣未

有睹符瑞見而不臻乎泰山者也雖受命而功不至至梁

父矣而德不洽洽矣而日有不暇給是以即事用希傳曰

三年不爲禮禮必廢三年不爲樂樂必壞每世之隆則封

禪答焉及衰而息厥曠遠者千有餘載近者數百載故其

儀闕然堙滅其詳不可得而記聞云

史記封禪書

上古三代

無懷氏封泰山禪云云

伏羲神農並因之

黃帝禪亭亭

顓頊帝嚳帝堯舜復禪云云

禹禪會稽

湯復禪云云其所封皆於泰山也

周成王封泰山禪社首其儀不存

以上杜佑通典

齊桓公既霸會諸侯於葵邱而欲封禪管仲曰古者封

泰山禪梁父者七十二家而夷吾所記者十有二焉昔

無懷氏封泰山禪云云慮羲封泰山禪云云神農封泰

山禪云云炎帝封泰山禪云云黃帝封泰山禪亭亭顓

頊封泰山禪云云帝嚳封泰山禪云云堯封泰山禪云

云舜封泰山禪云云禹封泰山禪會稽湯封泰山禪云

云周成王封泰山禪社首皆受命然後得封禪桓公曰

寡人北伐山戎過孤竹西伐大夏涉流沙束馬懸車上

卑耳之山南伐至召陵登熊耳山以望江漢兵車之會

三而乘車之會六九合諸侯一匡天下諸侯莫違我昔

三代受命亦何以異乎於是管仲睹桓公不可窮以辭

因設之以事曰古之封禪鄙上之黍北里之禾所以為

盛江淮之間一茅三脊所以為藉也東海致比目之魚

西海致比翼之鳥然後物有不召而自至者十有五焉

今鳳凰麒麟不來嘉穀不生而蓬蒿藜莠茂鳴臬數至

而欲封禪毋乃不可乎於是桓公乃止

管子封禪篇

山海經禹曰天下名山經五千三百七十山六萬四千
五十六里居地也言其五藏蓋其餘小山甚衆不足記
云天地之東西二萬八千里南北二萬六千里出水之
山者八千里受水者八千里出銅之山四百六十七出
鐵之山三千六百九十九此天地之所分壤樹穀也戈矛
之所發也刀鍛之所起也能者有餘拙者不足封於太
山禪於梁父七十二家得失
之數皆在此內是謂國用

秦

始皇卽帝位三年東巡郡縣祠騶嶧山頌秦功業於是徵
從齊魯之儒生博士七十人至乎泰山下諸儒生或議曰
古者封禪爲蒲車惡傷山之土石草木埽地而祭席用菹
藉言其易遵也始皇聞此議各乖異難施用由此繼儒生
而遂除車道上自泰山陽至巔立石頌秦始皇帝德明其
得封也從陰道下禪於梁父其禮頗采太祝之祀雍上帝

所用而封藏皆祕之世不得而記也始皇之上泰山中阪

過蒸風雨休於大樹下諸儒生既絀不得與用於封事之

禮聞始皇遇風雨則譏之史記封禪書

始皇刻石並二世詔書俱載金石志

漢

文帝十六年夏四月上使博士諸生刺六經中作王制謀

議巡狩封禪事史記封禪書

武帝元鼎四年陰得大鼎乃以禮祠近鼎至甘泉從行

上薦之自得寶鼎上與公卿諸生議封禪封禪用希曠絕

莫知其儀禮而羣儒采封禪尙書周官王制之望祀射牛

事齊人丁公年九十餘曰封禪者合不死之名也秦皇帝

不得上封陛下必欲上稍上即無風雨遂上封矣上於是
乃令諸儒習射牛草封禪儀數年至且行天子既聞公孫
卿及方士之言黃帝以上封禪皆致怪物與神通欲放黃
帝以上接神僊人蓬萊七高世比德於九皇而頗采儒術
以文之羣儒既已不能辨明封禪事又牽拘於詩書古文
而不能騁於是上盡罷諸儒不用

史記封禪書

漢書見寬傳議欲放古巡狩封禪之事諸儒對者五十餘人未能有所定先是司馬相如病死有遺書頌功德言符瑞足以封泰山上奇其書以問寬寬對曰陛下躬發聖德統攝羣元宗祀天地薦禮百神精神所鄉徵兆必報天地並應符瑞昭明其封泰山禪梁父昭姓考瑞帝王之盛節也然享薦之義不著于經以爲封禪古成合禮於天地神祇祇戒精專以接神明總其官之職各稱事宜而爲之節文唯聖主所由制定其官之職各所能列今將舉大事優游數年使羣臣得能成唯天子建中和之極兼總條貫金聲而

順成天慶垂萬世之基上然之乃自制儀采儒術以文焉

元封元年三月東上泰山泰山之草木葉未生乃令人上
石立之泰山巔上遂東巡海上四月還至奉高上念諸儒
及方士言封禪人人殊不經難施行天子至梁父禮祠地
主乙卯令侍中儒者皮弁薦紳射牛行事封泰山下東方
如郊祠太一之禮封廣丈二尺高九尺其下則有玉牒書
書祕禮畢天子獨與侍中奉車子侯霍去上泰山亦有封
其事皆禁明日下陰道丙辰禪泰山下陞東北肅然山如
祭后土禮天子皆親拜見衣上黃而盡用樂焉江淮間一
茅三脊爲神藉五土益雜封縱遠方奇獸蜚禽及白雉
諸物頗以加禮兕犀象之屬不用皆至泰山祭后土封

禪祠其夜若有光晝有白雲起封中天子從禪還坐明堂

羣臣更上壽史記封禪書

制詔朕以眇身承至尊兢兢焉維德菲薄不明於禮樂故用事八神遭天地況施著見景象屑然如有聞震于怪物欲止不敢遂登封泰山至於梁父然後升禮肅然自新嘉與士大夫更始其呂十月為元封元年行所巡至博奉高蛇邱歷城梁父民田租逋賦貸已除加年七十呂上孤寡帛人二四四縣無出今年算賜天下民爵一級女子百戶牛酒漢書武帝紀

二年秋作明堂於泰山下 五年春三月還至泰山增封

甲子祠高祖明堂呂配上帝因朝諸侯王列侯受封

計漢書武帝紀

四月中至奉高修封焉初天子封泰山泰山東北

有明堂處處險不敞上欲治明堂奉高旁未曉其制度濟南人公玉帶上黃帝時明堂圖中有一殿四面無壁以茅蓋通水圜宮垣為複道上有樓從西南入命曰昆侖天子從之入以拜祠上帝焉於是上令奉高作明堂汶上如帶圖及五年修封則祠太一五帝於明堂上坐令高皇帝祠坐對之祠后土於下房以二十太牢天子從昆侖道入始拜明堂如郊禮禮畢燎堂下而上又上泰山自有祕祠其巔而泰山下祠五帝各如其方黃帝并赤帝而有司侍祠焉山上舉火下悉應之史記封禪書

夏四月詔曰朕巡荆揚輯江淮物會大海氣呂合泰山上天見象增修封禪其赦天下所幸縣毋出今年租賦賜鰥寡孤獨帛貧窮者粟漢書武帝紀

太初元年冬十月行幸泰山十一月甲子朔旦冬至祀上帝於明堂十二月禮高里 三年春正月行東巡海上夏四月還修封泰山禮石閭 天漢三年三月行幸泰山修封祀明堂因受計 太始四年春三月行幸泰山壬午祀高祖于明堂呂配上帝因受計癸未祀孝景皇帝于明堂甲申修封丙戌禮石閭 征和四年春正月行幸東萊三月上耕于鉅定還幸泰山修封癸寅祀于明堂癸巳禮石

閭漢書武

司馬相如封禪文伊上古之初肇自吳穹兮生民歷撰列辟以迄于秦率邇者踵武逖聽者風聲紛綸葳蕤堙滅而不稱者不可勝數也續昭夏崇號謚略可道者七十有二君罔若淑而不昌疇逆失而能存軒轅之前遐哉邈乎其詳不可得聞也五三六經載籍之傳維見可觀也書曰元首明哉股肱良哉因斯以談君莫盛於唐

堯臣莫賢於后稷后稷創業於唐公劉發迹於西戎文王改制爰周邛隆大行越成而後陵夷衰微千載無聲豈不善始善終哉然無異端慎所由於前謹遺教於後耳故軌述夷易易遵也湛恩濛濛易豐也憲度著明易則也垂統理順易繼也是以業隆於禪祿而崇冠於二后揆厥所元終都攸卒未有殊尤絕迹可考于今者也然猶躡梁父登泰山建顯號施尊名大漢之德濶通原泉湧滿漫行旁魄四塞雲霧散上暢九垓下沂八埏懷生之類霑濡浸潤協氣橫流武節颯逝邇陝游原迤闕泳沫首惡湮沒闔昧昭哲昆蟲凱澤回首面內然後罔騶虞之珍羣微麋鹿之怪獸藁一莖六穗於庖犧雙解共抵之獸獲周餘珍收龜于岐招翠黃乘龍於沼鬼神接靈囿賓於閭館奇物譎詭儼窮變欽哉符瑞臻茲猶以為符也登道封禪蓋周躍魚隕杭休之以燎微夫斯之為符也以登介丘不亦惡乎進讓之道其何爽與於是為符也登道封禪蓋周躍魚隕杭休之以燎微貢百蠻執贄德侔往初功無與二休烈浹洽符瑞變期應紹至不特創見意者泰山梁父設壇場望幸蓋號以况榮上帝垂恩儲祉將以薦成陛下謙讓而弗發也挈三神之躡缺王道之儀羣臣慙焉或謂且天為質閭珍符固不可辭若然辭之儀羣臣慙焉或謂且天為質閭亦各並時而榮咸濟世而屈說者尚何稱於後而云七

十二君乎夫修德以錫符奉符以行事不為進越故聖
王弗替而修禮地祇謁款天神勒功中嶽以彰至尊舒
盛德發榮號受厚福以浸黎民也皇皇哉斯事天下之
壯觀王者之丕業不可貶也願陛下全之而後因雜薦
紳先生之畧術使獲耀日月之末光絕炎以展采錯事
猶兼正列其義校飭厥文作春秋一藝將襲舊六為七
摠之無窮俾萬世得激清流揚微波蜚英聲騰茂實前
聖之義而覽焉於是天子沛然改容曰愉乎朕其試哉
乃遷思回慮總公卿之議詢封禪之事詩大澤之博廣
符瑞之富乃作頌曰自我天覆雲之油油甘露時雨厥
壤可游滋液滲漉何生不育嘉穀六穗我穡曷蓄非唯
雨之又潤澤之非唯濡之汜專獲之萬物熙熙懷而慕
思名山顯位望君之來君乎君乎侯不邁哉般般之獸
樂我君囿白質黑章其儀可嘉敢啟陸睦君子之能蓋
聞其聲今觀其來厥塗靡蹤天瑞之徵茲亦於舜虞氏
以興濯濯之麟游彼靈時孟冬十月君徂郊祀馳我君
輿帝以享社三代之前蓋未嘗有宛宛黃龍興德而升
采色炫燿煥炳輝煌正陽顯見覺寤黎烝於傳載之云
受命所乘厥之有章不必諄諄依類託寓論以封禪披
藝觀之天人之際已交上下相發允答聖王之德兢兢
翼翼也故口與必慮衰安必思危是以湯武至尊嚴不

失肅祇舜在假典顧省厥遺此
之謂也史記司馬相如列傳

見寬東封頌臣聞三代改制屬象相因間者聖統廢絕
陛下發憤合指天地祖立明堂辟雍宗祀太一六律五

聲幽贊聖意神樂四合各瑞登告岱宗發祉闔門以候景
至癸亥宗祀日宣重光上元甲子肅邕永享光輝允塞

天文燦然見象日昭報降符應臣竟奉鵬再拜上千萬
歲壽制曰敬

舉君之鵬
唐高孚白雲起封中賦客有遭逢漢昌從武帝而登岱

親白雲之効祥曰此蓋非常不飄不揚初起封中方郁

郁以呈象稍浮山上乍英英而有光原初出之意也告

成我皇我皇德以靜人威以平難廓清諸夏光啟大漢

俗既和兮考時巡禮既備兮登日觀惟天輔聖無雨則

其明微惟嶽通元出雲所以幽贊不然者山有四嶽胡

獨興于此地有四極胡不普而施觀耀質以流彩若無
心而有知無心者何隨車而動息有知者何表聖之功
德帝穆清以修祠雲故清其容帝貞白以爲心雲故白
其色豈徒然也君爲萬國所仰嶽乃衆雲所屆其垂思
儲精登封俯拜亦庶乎明神斯答景福攸介故夫是雲
也乘元氣而出冠靈壇而浮不漠漠而四散直亭亭于

上頭祥光內朗瑞色旁流既表慶於茲日復增華於介
丘此可以見於無疆之休者也且夫刻石者所以紀號
泥金者所以昭告必元德之已升乃茲山之可造若齊
桓僭侈秦帝驕暴縱傾國以修封豈嘉祥之云報美矣
哉晝日斯清瑞雲孔明細縵蕭索下應一人之感髮鬚
影響旁聞萬歲之聲彼入房彰于殷帝浮河表于周成
豈可于茲

而名哉
呂溫白雲起封中詩封開白雲起漢帝坐齋宮望在泥
金上疑生秘玉中攢柯初縹縹布葉漸蒙籠日觀祥光
合天門瑞氣通無心還出岫有勢
欲凌風倘遣成膏澤從茲遍大空
季正辭詩千年泰山頂雲起漢皇封不作奇峰狀寧分
觸石容為霖雖易得表聖自難逢冉冉排空上依依疊
影重素光非曳練靈既是從
龍豈學無心出東西任所從
張嗣初詩英英白雲起呈瑞出封中表聖寧因地逢時
豈待風浮光彌皎潔流影更冲融自叶堯年美誰云漢
通欲與非煙並亭亭不散空

光武帝建武三十年二月羣臣上言卽位三十年宜封禪

泰山後漢書

太尉趙憙上言曰自古帝王每世之隆未嘗不封禪
下聖德洋溢順天行誅撥亂中興作民父母修復宗廟
救萬姓命黎庶賴福海內清平功成治定羣司禮官咸
以爲宜登封告成爲名報德百王所同當仁不讓宜登
封岱宗正三雍之禮以明靈契望
秩羣神以承天心也東觀書
詔書曰卽位三十年百姓怨氣滿腹吾誰欺欺天乎曾
謂泰山不如林放何汗七十二年代之編錄桓公欲封管
仲非之若郡縣遠遣吏上壽盛稱虛
美必髡兼令屯田後漢書祭祀志

三十二年正月上齋夜讀河圖會昌符曰赤劉之九會命
岱宗不慎克用何益於承誠善用之姦僞不萌感此文乃
詔梁松等復案索河維讖文言九世封禪事者松等列奏
乃許焉乃求元封時封禪故事議封禪所施用有司奏當
用方石再累置壇中皆方五尺厚一尺用玉牒書藏方石

泰山志卷之二
牒厚五寸長尺三寸廣五寸有玉檢又用石檢十枚列於石傍東西各三南北各二皆長三尺廣一尺厚七寸檢中刻三處深四寸方五寸有蓋檢用金縷五周以水銀和金以爲泥玉璽一方寸二分一枚方五寸方石四角又有距石皆再累枚長一丈厚一尺廣二尺皆在圓壇上其下用距石十八枚皆高三尺厚一尺廣二尺如小碑環壇立之去壇三步距石下皆有石跗入地四尺又用石碑高九尺廣三尺五寸厚尺二寸立壇丙地去壇三丈以上以刻書上以用石功難又欲及二月封故詔松欲因故封石空檢更加封而已松上書爭之遂使泰山郡及魯趣石工宜取完青石無必五色時以印工不能刻玉牒欲用丹漆書之會求得能刻玉者遂書書祕刻方石中命容玉牒二月上至奉高遣侍御史與蘭臺令史將工先上山刻石二十二日辛卯晨燎祭天於泰山下南方羣神皆從用樂如南郊諸王王者後二公孔子後衰成君皆助祭位事也事畢將升封或曰泰山雖已從食於柴祭今親升告功宜有禮祭於是使謁者以一犧牲於常祠泰山處告祠泰山如親耕糴劉先祠先農先虞故事至食時御輦升山日中後到山上更衣蚤晡時卽位於壇北面羣臣以次陳後西上畢位升壇尙書令奉玉牒檢皇帝以寸二分璽親封之訖太常命人發壇上石尙書令藏玉牒已復石覆訖尙書令以五寸印封石檢事畢再拜羣臣稱萬歲命人立所刻石碑乃

復道下二十五日甲午禪祭地于梁陰以高后配山川羣
神從如元始中北郊故事四月己卯大赦天下以建武三
十二年為建武中元元年復博奉高贏勿出元年租芻橐
以吉日刻玉牒書函藏金匱印封之乙酉使太尉行事
以特告至高廟太尉奉匱以告高廟藏於廟室西壁石室

高主室之下

後漢書
祭祀志

泰山刻石文維建武三十有二年二月皇帝東巡狩至
于岱宗采望秩于山川班于羣神遂觀東后從臣太尉
熹行司徒事特進高密侯禹等漢賔二王之後在位孔
子之後衰成侯序在東后蕃王十二咸來助祭河圖赤
伏符曰劉秀發兵捕不道四夷雲集龍闕野四七之際
火為主河圖會昌符曰赤帝九世巡省得中治平則封
誠合帝道孔矩則天文靈出地祇瑞興帝劉之九會命
岱宗誠善用之姦偽不萌赤漢德興九世會昌巡省皆
當天地扶九崇經之常漢大興之道在九世之王封于
泰山刻石著紀禪于梁父退省考五河圖合古篇曰帝

劉之秀九名之世帝行德封刻政河圖提劉子曰九世
之帝方明聖持衡矩九州平天下于維書甄曜度曰赤
三德昌九世會修符合帝際勉刻封孝經鈞命決曰子
誰行赤劉用帝三建孝九會修專茲竭行封岱青河維
命后經識所傳昔在帝堯聰明密微讓與舜庶後裔握
機王莽以舅后之家三司鼎足冢宰之權勢依託周公
霍光輔幼歸政之義遂以篡叛僭號自立宗廟廢壞社
稷喪亡不得血食十有八年揚徐青三州首亂兵革橫
行延及荊州豪傑并兼百里屯聚往僭號北夷作寇
干里無煙無雞鳴犬吠之聲皇天矚顧皇帝以匹庶受
命則斯得黎庶得居爾田安爾宅書同文車同軌人
罪人則斯得黎庶得居爾田安爾宅書同文車同軌人
同倫舟輿所通人迹所至靡不貢職建明堂立辟雍起
靈臺設庠序同律度量衡修五禮五玉三帛二生一死
贊吏各修職復于舊典在位三十有二年六年十二乾
乾日景不敢荒寧涉危歷險親巡黎元恭肅神祇惠恤
耆老理庶遵古聽允明怒皇帝唯慎河圖雜書正文是
月辛卯柴登封泰山甲午禪于梁陰以承靈瑞以為兆
民永茲一字垂于後昆百僚從臣郡守師
尹咸蒙祉福永無極後漢書祭祀志
○應劭漢官馬第伯封禪儀記車駕正月二十八日發維
陽宮二月九日到魯遣守謁者郭堅伯將徒五百人治

泰山道十日魯遺宗室諸劉及孔子環邱丁氏上壽受
賜皆詣孔氏宅賜酒肉十一日發十二日宿奉高是日
遣虎賁郎將先上三案行還益治道徒千人十五日
始齋國家居太守府舍諸王居府中諸侯在縣庭中齋
諸方諸侯將軍大夫黃門郎百官及宋公衛公褒成侯
東第伯官等七人先之山虞祭壇及故明
馬宮郎官等七人先之山虞祭壇及故明
堂九尺此壇上石也其一石武帝時石二枚狀博平
能上厚尺半所四枚檢石長三尺廣六寸狀如封篋長
二尺厚尺半所四枚檢石長三尺廣六寸狀如封篋長
檢十枚一紀號石高丈二尺廣三尺厚尺二寸名曰立
石步牽馬乍步乍騎且相半至中觀雷馬去平地二
騎南極望無不觀仰望天關如從谷底仰觀抗峰其
為高也如視浮雲其峻也石壁有窳如無道徑遙望其
人端如行朽元或為白石或雪久有頃復蘇亦賴齋酒
是處有泉不可四布之明復勉強相將行到天關自
脯為已至也問道中人言尚十餘里其道旁山脅大者
以八九尺狹者五六尺不可見丈尺遂至天門之下仰視
雲中俛視谿谷碌碌不可見丈尺遂至天門之下仰視

天門窅邃如從穴中視天直上七里賴其羊腸逶迤名
曰環道往往有繩索可得而登也兩從者扶掖前人相
率後人見前人履底前人也後人頂如畫重累人矣所
謂摩肩揜石捫天之難也初上此道行十餘步一休稍
疲咽唇焦五六步一休蹠據頓地不避濕暗前有燥
地目視而兩脚不隨早食上脯後到門郭使者得銅
物銅物形狀如鐘又方柄有孔莫能識也疑封禪具也
得之者汝南召陵人姓楊名通東一里餘得木甲木
甲者武帝時神也東北百餘步得封所始皇立石及闕
在南方漢武在其北二十餘步得東北垂圓臺高九尺方
圓三丈所有兩陛人不得從上從東陛上臺上有壇方
一丈二尺所置錢壇上亦不掃除國帛具道是武帝封
拜謂人梨酸棗狼籍散錢處數百幣帛具道是武帝封
禪至泰山下未及上名曰觀日觀者雞一鳴時見日
以求福即此也東山名曰觀日觀者雞一鳴時見日
始欲出長三丈所秦觀者望日觀者雞一鳴時見日
周觀者望見齊西北有石室壇以長安吳觀者望見日
山南魯神泉飲之極清美利人日入下有玉盤中有玉龜
時頗雨不見其道一人居其前知蹈有入乃舉足隨
之比至天門下夜人定矣車駕十九日之山虞國家居
亭百官布野比日山上雲氣成宮關百官並見之二十

泰山志卷之二 封禪

一日夕牲時白氣廣一丈東南極望致濃厚時天清和
無雲瑞命篇符嶽之瑞以日為應也二十日晨燎祭
天於泰山長祭也日高三丈所燔燎燔燔煙正北也禮
畢百官各以次上郡諸輦三百為貴臣諸公王侯卿大
夫百官皆步上少用輦食時國家御首輦人輓升山至
中觀休須臾復上日中後到山上更衣須臾羣臣畢就
位早騎時千餘人於壇上方石尚書令封石檢以金為
繩以石三檢東方西方各三檢中石泥及壇土色赤
白黑各依如其方禮畢稱萬歲音動山谷有氣屬天
遙望不見山巔人維持不知也封畢有頃詔百
官以次下山隨後數百人維持不知也封畢有頃詔百
二十餘里道多迫小深谿高岸數百丈步從訥旬邪上
起近炬火止亦絡繹步從觸擊大石石聲正謹但謹石
無相應和者腸不能已口不能行臥嚴石下明日到百官明日
乃說其中老者氣劣不能行臥嚴石下明日到百官明日
復道問起居險恐不能度國家不勞百官以下露臥水
所蹈道峻危險無一人疾病豈非天邪泰山率多暴雨
飲無一人蹉跌無一人疾病豈非天邪泰山率多暴雨
如今上直下柴祭封登清晏溫日發至梁父九十里夕
事功畢發暮宿奉高封登清晏溫日發至梁父九十里夕
牲功効如彼天應如此羣臣上壽國家不聽後漢書

志祭祀

班固白虎通封禪篇王者易姓而起必升封泰山何報
告之義也始受命之日改制應天天下太平功成封禪
以告太平也何因高告於泰山何萬物之始交代之處也
必於其上何廣厚也皆刻石紀號者著已之功跡以自
禪梁甫之基高為尊地以厚為德故增泰山之高以報天
効也天以高為尊地以厚為德故增泰山之高以報天
附梁甫之基高為尊地以厚為德故增泰山之高以報天
地若高者加高厚者加厚矣或曰封者金泥銀繩或曰
石泥金繩封之厚者加厚矣或曰封者金泥銀繩或曰
可得而數者七十有餘君封者廣也言禪者明以成功
相傳也梁甫者泰山旁山名正於梁甫何禪者明以成功
繹也五帝禪於梁甫之山亭者居之釋也信輔德著明
也三王禪於梁甫之山亭者居之釋也信輔德著明
之道而行之也太平乃封知告于天必也於岱宗何明
也易姓也刻石紀號知自紀于百王也燎祭天報之義
太平封泰山也又曰墮山喬嶽允猶翁河言望祭山川
歸也

袁宏曰夫天地者萬物之官府山川者雲氣之邱墟萬物之生遂則宮府之功大雲雨施其潤則邱墟之德厚故化洽天下則功配于天地為木諸侯迷職必以山川為主體而象之取其陶育禮而告之歸其宗本書云東巡狩至于岱宗柴傳曰郊祀後稷以祈農事夫巡狩觀化之常事祈農撫民之定業猶潔誠殷薦以告昊天況創制改物人神易聽者乎夫掛讓受終必有至德於萬物是故王者初基則有封禪之事蓋以其成功告於神明者也夫東方者萬物之所始山嶽者靈氣之所宅故求之物本必於其始取其通必於所宅崇其壇場則謂之封明其代興則謂之禪然則封禪者王者開務之大禮也德不周洽不得擬議斯建功不宏濟不得髣髴斯禮曠代一有其道至高故自黃帝堯舜至于三代各一率復舊業增修其禮者也雖繼體之君時有功德此若神道貞一其用不煩天地易簡其禮尚質故藉用白茅貴其誠素器用陶匏取其易從則封禪之禮簡易可也若夫石函玉牒非天地之性也袁宏後漢紀

三國

魏明帝時中護軍蔣濟請封禪帝雖拒濟議而實使高堂隆草封禪儀以天下未一不欲便行大禮會高堂隆卒不行

行典通

蔣濟奏曰夫帝王大禮巡狩為先昭祖揚禰封禪為首是以自古革命受符未有不蹈梁父登泰山刊無竟之名紀天人之際於前謹遺教於後太史公曰主上有聖明而或順所繇於前謹遺教於後太史公曰主上有聖明無以顯帝布有司之功示過也然則元功懿德不刊山梁之石之弊亂拯流遁之艱厄接千載之衰緒繼百世之廢業自武文至於聖躬所以參成天地之道綱維百世之化上天報應嘉瑞顯祥所以比往古無所取喻至於歷世迄今未發大禮此儀久廢非倉卒可定宜下公卿廣纂其禮以副天下之望

帝以副天下之望

帝曰昔者禹湯使吾汗出流足自開闢以來封禪者七十餘君爾故太史公曰雖有受命之君而功有不洽是以中間曠遠者千有餘年近者數百載其儀闕不可得記吾何德之修敢庶茲乎濟豈謂世無管仲以吾有

桓公登泰山之志乎吾不敢欺天也濟之所言華則華矣非助我者也公卿侍中尚書常侍省之而已勿復有所議亦不須答詔也

晉

武帝平吳混一區宇太康元年九月庚寅尚書令衛瓘等

議封禪奏請至於再三詔報絕之

通志禮畧

衛瓘等奏曰臣聞肇自生靈則有后辟年載之數莫之能紀立德濟世揮揚仁風以登封泰山者七十有四家其證號可知者十有四焉沉淪寂寞曾無遺聲者不可勝記大晉之德始自重黎實佐顯項至于夏商世序天地其在于周不失其緒金德將升世濟明聖外平內治海內歸心武功之盛實由文德至于陛下受命膺運宏建大業羣生仰毓惟獨江湖沅湘之表凶桀負固歷代不賓神謀獨斷命將出討兵威暫加數旬蕩定羸其鯨鯢鮓赦其罪逆雲覆雨施八方來同聲教所被達於四極雖黃軒之征大禹遠畧周之奕世何以尚今若夫元石素文底號前載象以數表言以事告雖古河圖洛書之徵不是過也宜宜大典禮中嶽封泰山禪梁父發德號

明至尊享天休篤黎庶勒千載之表播流後之聲俾百世之下莫不興起斯帝王之盛業天人之至望也

則百姓未寧此盛德之事所未議也

瓘等又奏曰今東漸于海西被于流沙大漠之陰日南北戶莫不通屬芒芒禹跡今實過之天人之道已周巍

巍之功已著宜修禮地祇登封泰山致誠上帝以答人神之願也乞如前奏

詔曰今陰陽未和刑政未當百姓未得其所以可以勒功告成邪詔不許

瓘等又奏曰臣聞處帝王之位者必有歷運之期天命之應濟兆庶之功者必有盛德之容告成之典無不可

誣有不取讓自古道也而明詔謙冲屢辭其禮雖盛德

攸在推而未居夫三公職典天地實掌人物國之大事取義於此故漢氏封禪非是官也不在其事臣等前奏

蓋陳祖考之功天命又應陛下之德合同四海述古考今宜修此禮至於克定歲

月宜修此禮至於克定歲月宜修此禮至於克定歲

詔曰雖蕩清江表皆臨事者之勞何足以告成方望羣后思隆大化以寧區夏百姓獲又與之休息斯朕日夜之望無所復

泰山志卷十二封禪

志

璽等又奏曰臣聞唐虞三代濟世宏功之君莫不仰承天休俯協人志登介丘履梁父未有辭焉者蓋不可讓也今陛下勲高皇德無與二茂績宏規巍巍之業固非臣等所能究論而聖旨勞謙屢自抑損時至弗應推美不居闕皇代之上儀塞靈祇之歎望使大晉之典謨不河風於三五臣等誠不敢奉詔請如前奏施行

續且俟他年無所復紛紜也
王公侯伯又奏曰自古聖明光宅四海封禪名山著於史籍作者七十四君矣舜禹之有天下也巡狩四嶽躬行其道易著觀俗省方禮有升中于天詩頌陟其高山皆載在方策文王為西伯以服事殷周公以魯藩列于諸侯或享于岐山或有事泰山徒以聖德猶得為其事自是以來功薄而僭其義者不可勝數號謚不泯以至于今況高祖宣皇帝肇開王業海外有截世宗景皇帝濟以大功輯寧區夏太祖文皇帝受命造晉盪定蜀漢陛下應期龍興混一六合澤被羣生威震無外昔漢氏失統吳蜀鼎峙兵興以來近將百年地險俗殊人望絕塞今不羈之寇二代而非聰明神武先天下弗違孰能巍巍其成功若茲者歟臣等幸以千載得遭運會親服大化日觀太平至公至美誰與為讓宜祖述先明憲章古昔勒功岱嶽登封告成宏禮樂之制正三雍之典揚

名萬世以顯祖宗是以不勝大願敢
殊死以聞請告太常具禮儀復上
詔曰所議誠列代之盛事也然方今
未可以爾便報絕之 晉書禮志

六朝宋

文帝元嘉二十六年尚書吏部郎袁淑奏曰今當鳴鑾中

岳疾卷趙魏檢玉岱宗今其時也臣逢千載之會願上封

禪書一篇帝笑曰盛德之事我何足以當之 宋書袁淑傳

文帝在位長久有意封禪遣使履行泰山舊道詔學士山

謙之草封禪儀注其後魏師南逼其意乃息 宋書禮志並通典

孝武大明元年十一月戊申太宰江夏王義恭表請帝以

文軌未一不從 文獻通考

表曰惟皇天崇禋大道始行揖讓迄于有晉雖聿修前緒而跡淪言廢蔑記於竹素者焉可單書紹乾維建微

號流風聲被絲管自無懷以來可傳而不朽者七十有
四君罔仁厚而道滅鮮義燒而德宣鍾律之先曠世綿
絕難得而聞邱索著明者尙有遺炳故易稱先天弗違
後天奉時蓋陶唐姚姒商姬之主莫不由斯道也是以
風化大治光熙于後炎漢二帝亦踵曩則因百姓之心
聽輿人之頌龍駕帝服鏤玉梁甫昌言明稱告成上靈
况大宋表祥唐虞受終素德山龍啟符金玉顯瑞異采
騰於軫墟紫煙藹於邦甸錫冕光九五之微文豹赴天
歷之會誠二祖之幽慶聖后之冥休道冠軒堯惠深亭
毒而猶執中約未言封禪之事四海竊以而焉臣聞維
皇配極惟帝祀天故能上稽乾式照臨黔首協和穹昊
膺茲多福高祖武皇帝明竝日月光振八區拯已溺之
晉濟橫流之外世撥亂寧民應天受命鴻徽洽于海表威
稜震乎沙外太祖文皇帝體聖履仁述業與禮正樂頌
作象歷明達通於神祇元澤被乎上下仁孝命世勳武
英挺遭運屯否三才湮滅酒龍飛五洲鳳翔九江身先
八百之期斷出人鬼之表慶煙應高牙之建風耀符發
迹之辰親翦凶逆躬清昏熾天地革始夫婦更造豈與
彼承業繼緒拓復禹跡車一其軌書罔異文者同年而
議哉今龍麟已至鳳凰已儀比李已實靈茅已茂雕氣
降霽於宮樹珍露呈味於禁林嘉禾積穗於殿費連理
合幹於園藥皆耀質離宮植根蘭圃至夫霜毫元文素

翻頽羽泉河山嶽之瑞草木金石之靈方畿憬塗之謁
抗驛絕祖之奏彪炳雜沓粵不可勝言太平之應茲焉
富矣宜其從天人之誠遵先王之則備萬乘整法駕修
封泰山瘞玉岱趾延喬松於東序詔韓岐於西廂麾天
闈使啟關謁紫宮朝太一奏鈞天詠雲門贊揚幽
與超聲前古豈不盛哉伏願時命宗伯具茲典度
詔曰太宰表如此昔之盛王永保鴻名常為稱首由斯
道矣朕遺家多難入纂絕孝德薄敷淺鑿寐崩愧頃
鳳表禱茅禾兼瑞雖符祥顯見愿乎猶深庶
仰述矢志拓清中寓禮祇謁神朕將試哉
有司奏曰臣聞崇號建極必觀俗以樹教正位居體必
採世以立言是以重代列聖咸由厥道元勳上烈融章
未分鳴光委緒歇而周藏若其顯謚騰軌則系綴聲采
徵畧聞聽爰泊姬漢風流尚存遺芬餘榮綿映紀緯雖
年絕世祀代革精華可得騰歌之禮日觀弛修封之容豈
鐫德以麗遠而四望聖聖之迹易泯自茲以隆訖于季末
非神明之業難崇功基之迹易泯自茲以隆訖于季末
莫不欲以英安微位詳固洪聲豈徒深默修文淵幽馭世
而已諒以滕非虛奏書匪妄埋擊雨怒神淳廕復樹安
得紫壇肅祇竹宮載芳散火投郊流星奔座寶緯初基
厭靈命歷德振施維功濟淪象元浸紛流華液幽潤規
存永馭思詳樹遠太祖文皇帝以啟邁泰運景望震凝

泰山志卷之二 封禪

采樂調風集禮宣度祖宗相映軌迹重暉聖上韞錄蕃
 河竚翔衡漢金波掩照華耀停明運勤時來躍飛風舉
 澄氛海岱開景中區歇神還靈頽天重耀儲正疑位於
 兼明袞嶽蕃華於元列故以祥映昌基繫發篆素重以
 班朝待典節令詳儀纂綜淪蕪搜騰委逸奏玉郊宮禋
 珪元時景集天廟覲壤祥農節至昕陽川邱夙禮網威
 巡駭表綏中甸史流其詠民挹其風於是涵迹視陰振
 聲威響歷代之渠沈口望內安侯之長賢王人侍殊生
 詭氣奉俗還鄉羽族并儀懷音革狀邊帛絕書權光苑
 燭天岱發靈宗河開寶崇邱淪鼎振采泗淵雲皇王嶽
 摘藻口漢并角卽音栖翔禁籙衮甲霜味環舞川肆榮
 泉流鏡後昭河源故以波沸外關雲蒸內澤若其雪趾
 青氈元文朱綵日月郊甸擇木弄音重以榮露騰軒蕭
 雲掩閣鎬穎葦茁移華淵禁山與嶠音重以榮露騰軒蕭
 泳流江茅吐蔭校書之列仰筆以飾辭濟代之蕃獻邑
 以待禮豈非神勰氣昌物瑞雲照蒲軒龜軫口泉淳芳
 太宰江夏王臣義恭咀道遵英抽奇麗古該潤圖史施
 詳闕載表以功懋往初德耀炎昊升文中岱登牒天關
 耀冠榮名擢振聲號而道謙稱首禮以虛挹將使元祗
 缺觀幽瑞乖期梁甫無盛德之容介丘靡升聞之響加
 窮泉之野獻八代之駟交木之鄉奠絕金之格蕭靈重
 表珍符兼賦伏惟陛下下護詳淵載衍屬休章依徵聖靈

北齊

文宣帝天保五年正月制詔問升中紀號

北齊書

穎州長史樊遜對曰臣聞巡嶽之禮勒在虞書省方之
 義著於易象往帝前王匪唯一姓封金刊玉億有餘人

泰山志卷十一 封禪

七

仲尼之觀梁甫不能盡識夷吾之對齊桓所存未幾然
盛德之事必待太平苟非其人更貽靈譴秦皇無道致
風雨之災漢武奢淫有奉車之害及文叔受命炎精更
輝四海安流天下輯睦賜騎士馬駕鼓車乃用張純
之文始從伯陽之說至於魏晉雖各有君量德而處莫
能擬議蔣濟上言於前徒穢紙墨袁准發論於後終未
施行世歷三朝年將十祀啟聖之期茲為昌會然自水
德不競函谷封塗天馬息歌包茅絕貢我太祖收寶雞
之瑞握鳳皇之書體一德以匡朝屆三分而事主蕩此
妖寇易如沃雪但昌既受命發乃行誅雖太白出高中
國宜戰置之度外望其遷善伏惟陛下以神武之姿天
然之畧馬多冀北將異山西涼風至白露下北上太行
東臨碣石方欲吞巴蜀而掃嶠函苑長洲而池江漢復
恐迎風縱火芝艾共焚按此六軍未申九伐夫周發牙
璋漢馳竹使義在濟民非聞好戰至如投鼠忌器之說
蓋是常談文德懷遠之言豈識權道今三臺令子六郡
良家蓄銳須時裏糧待詔未若龍駕虎服先收隴右之
民電轉雷驚因取荆南之地昔秦舉長平金精食昂楚
攻鉅鹿在矢宵流況我威靈能無協贊但使彼之百姓
一觀六軍似見周王若逢司隸然後除其苛令與其約
法振旅而還止戈為武標金南海勒石東山紀天地之
奇功被風聲於千載若令馬兒不死子陽尚在使欲案

明堂之圖草射牛之禮七德論功多慙往
列升中告禪臣用有疑 北齊書樊遜傳

隋

文帝開皇九年平陳朝野物議咸願登封秋七月丙午詔
曰豈可命一將軍除一小國遐邇注意便謂太平以薄德
而封名山用虛言而干上帝非朕攸聞而今以後言及封
禪宜即禁絕冬十一月壬辰考使定州刺史豆盧通等上
表請封禪上不許隋書本紀 兖州刺史薛胄以天下太平登
封告禪帝王盛烈遂遣博士登泰山觀古跡撰封禪圖及
儀上之高祖謙讓不許隋書薛胄傳 十四年羣臣請封禪高
祖不納晉王廣又率百官抗表固請帝命有司草儀注於
是牛宏辛彥之許善心姚察虞世基等創定其禮奏之帝

遂巡其事曰此事體大朕何德以堪之但當東狩因拜岱
山耳十五年春行幸兗州遂次岱岳爲壇如南郊又壇外
爲柴壇飾神廟展宮懸於庭爲埋炤二於南門外又陳樂
設位於青帝壇如南郊帝服袞冕乘金輅備法駕而行禮
畢遂詣青帝壇而祭焉

隋書禮儀志

唐

太宗貞觀初羣臣並請封禪惟魏徵以爲不可太宗曰朕
欲卿極言之豈功不高耶德不厚耶遠夷不慕義耶嘉瑞
不至耶年穀不登耶何謂而不可對曰陛下功則高矣而
民未懷惠德則厚矣而澤未滂流諸夏雖安矣未足以供
事遠夷慕義矣無以供其求符瑞雖臻爵羅猶密積歲豐

稔倉粟尙虛此臣所以竊爲未可臣未能遠比且借喻于
久今有人十年長患療治且愈皮骨僅存便欲使翼老一
石日行百里必不可得隋氏之亂非止十年陛下爲之良
醫除去其毒已又安未甚充實告成天地臣竊有疑且
陛下東封萬國咸萃要荒之外莫不奔走今伊洛已東暨
於海岱羣莽巨浸茫茫千里人煙斷絕雞犬不聞道路蕭
條進退間阻豈可引彼四夷示以虛弱竭財以賞未厭遠
人之望加年給復不償百姓之勞或遇水旱之災風雨之
變庸夫橫議悔不可追豈獨臣之懇言亦有與人之誦太
宗不能奪於是乃止焉

文獻通考

謝趙郡王孝恭詔曰省表具懷自有隋失道四海橫流
百王之弊于斯爲甚朕提劍鞠旅首啟戎行扶翼興運

克成鴻業遂荷慈睠恭承大寶每日景思治弗敢康寧
兢兢夕惕用忘興寢履薄馭朽不足為喻賴三靈顯命
百辟同心海外無塵遠夷慕義但流遁未久凋殘未復
田疇多曠倉廩猶虛家給人足尚懷多愷豈可遽追前
代取譏虛美所望恂恂濟濟叶力盡誠輔其不逮致之
王道如得雅頌刊于金石菽粟同如水火反樸還淳當
如來

六年平突厥年穀屢登羣臣上言請封泰山太宗曰議者
以封禪為大典如朕本心但使天下太平家給人足雖闕
封禪之禮亦可比德堯舜若百姓不足戎狄內侵縱修封
禪之儀亦何異于桀紂昔秦始皇自謂德洽天心自稱皇
帝登封岱宗奢侈自矜漢文帝竟不登封而躬行儉節
措不用今皆稱始皇為暴虐之主漢文為有德之君以此
而言無假封禪禮云至敬不壇掃地而祭足表至誠

遠登高山封數尺之土也待中王珪曰陛下發德音開封
禪本末非愚臣之所及秘書監魏徵曰隋末大亂黎民遇
陛下始有生望養之則至仁勞之則未可升中之禮須備
千乘萬騎供帳之費動役數州戶口蕭條何以能及太宗
深嘉徵言而中外表章不已上因遣中書侍郎杜正倫行
泰山上七十二君壇迹是年兩河水潦其事乃寢舊唐書禮儀志
十四年十月甲戌趙王元景等表請封禪帝沖讓不許至
于再三乃下詔冊府元龜
詔曰自古明王君臨區宇功濟天下道被生民內外無
虞年穀豐稔莫不歸功上元致禮厚地騰茂實於六合
乘英聲於百代今公卿在列屢屬虛心嶽牧具僚固
陳僉願理在難奪敬依來請顧循諸已仍懷慙德
命祕書少監顏師古諫議大夫朱子奢等集當時名儒博

士雜議不能決於是左僕射房元齡特進魏徵中書令揚
師道博採衆議奏上之其議曰爲壇於泰山下祀昊天
帝壇之廣十二丈高丈二尺玉牒長一尺三寸廣厚五寸
玉檢如之厚減三寸其印齒如璽纏以金繩五周玉策四
皆長一尺三寸廣寸五分厚五分每策皆五簡聯以金
昊天上帝配以太祖皇地祇配以高祖已祀而歸格于廟盛
以金匱匱高六寸廣足容之制如表函纏以金繩封以金
泥印以受命之璽而玉牒藏于山上以方石三層再累
纏以金繩封以石泥印以受命之璽其山土亦以
五色高九尺廣五丈四面爲一階天子親詣壇而封玉

知之其石檢封以受命璽而玉檢別製璽方一寸二分文
如受命璽以石距非經不用又爲告至壇方八十一尺高
三尺四出陞以燔柴告至望秩羣神遂著于禮其他降禪
朝覲皆不著至十五年將東幸行至洛陽而彗星見乃止

唐書禮樂志

二十一年正月丁酉詔以來歲二月有事于泰山八月泉
州海溢壬戌停封泰山本紀

高宗麟德元年七月丁未詔以三年正月有事於泰山

二年十月丁卯如泰山以上本紀 乾封元年正月封於泰山

庚午禪於社首壬申大赦改元通志 封泰山爲圜壇山南

四里如園丘三壝壇上飾以青四方如其色號封祀壇玉

策三以玉爲簡長一尺二寸廣一寸二分厚三分刻而金
文玉匱一長一尺三寸以藏上帝之冊金匱三以藏配帝
之冊纏以金繩五周金泥玉璽璽方一寸二分文如受命
璽石礪以方石再累皆方五尺厚一尺刻方其中以容玉
匱礪旁施檢刻深三寸三分闊一尺當繩刻深三分闊一
寸五分石檢十枚以檢石礪皆長三尺闊一尺厚七分印
齒三道皆深四寸當璽方五寸當繩闊一寸五分檢立於
礪旁南方北方皆三東方西方皆二去礪隅皆一尺礪纏
以金繩五周封以石泥距石十二分距礪隅皆再累皆闊
二尺長一丈斜刻其首令與礪隅相應又爲壇於山上廣
五丈高九尺四出陛一墻號登封壇玉牒玉檢石礪石距

玉匱石檢皆如之爲降禪壇於社首山上八隅一成八陸
如方丘三墻上飾以黃四方如其色其餘皆如登封其詳
畧定而天子詔曰古今之制文質不同今封禪以玉牒金
繩而瓦尊匏爵稭席宜改從文於是吳天上帝禱以蒼地
祇禱以黃配禱皆以紫而尊爵亦更焉是歲正月天子祀
吳天上帝於山下之封祀壇以高祖太宗配如圜丘之禮
親封玉冊置石礪聚五色土封之徑一丈二尺高尺已事
升山明日又封玉冊於登封壇又明日祀皇地祇於社首
山之降禪壇如方丘之禮以太穆皇后文德皇后配而以
皇后武氏爲亞獻越國太妃燕氏爲終獻又明日御朝觀
壇以朝羣臣如元日之禮乃詔立登封降禪朝觀之碑名

封禪壇曰舞鶴臺登封壇曰萬歲臺降禪壇曰景雲臺以

紀瑞焉唐書禮志

玉牒文有唐嗣天子臣某敢昭告於昊天上帝有隋運屬顛危數窮不塞生靈塗炭鼎祚淪亡高祖仗黃鉞而救黎元賜元圭而拯沉溺太宗功宏鍊石定區宇於再靡業壯斷鼇飲滄海而一息臣忝奉餘緒恭承積慶遂得崑山寢燎炎海澄波雖乃業茂宗祧斯實降靈穹昊今謹告成東嶽歸功上元大寶克隆鴻基永固凝薰萬姓陶化

武后表曰伏以封禪舊儀祭皇地祇以太后昭配皆以公卿行事以妾愚誠恐未周備何則乾坤定位剛柔之義已殊經禮載陳中外之儀斯別豈有推尊先后而以宰臣參祭詳求至理有紊徽章妾望以展禮之日總率六宮內外命婦親臨奠獻以申如在之敬

駱賓王為齊州父老請陪封禪文圓天列象紫宮通極之尊大帝疑圖元猷暢東巡之禮是知光隆先朝上於雲臺業紹禮宗必塗金於日觀伏惟皇極紀纂三統之重光御極登樞應千靈之累聖故

浮五老啟赤文於帝期海薦四神奉丹書於玉會瑞開三脊祥洽五雲既而輯總章之舊文紹辟雍之故事非煙翼戰移玉輦於梁陰若月承輪秘金繩於岱嶽臣等質均芻狗陰謝桑榆幸屬堯鏡多輝昭餘光於連石軒圖廣運追盛禮於擬金然而鄒魯舊邦臨淄遺俗俱沐二周之化咸稱一變之封境接青疇俯瞰獲麟之野山開翠肥斜連辨馬之峯豈可使稷下遺吐頓隔陪封之禮淹中故老獨奏告成之儀是用就日披丹仰璧輪而三舍望雲紉素叫天闕於九重倘允微誠許陪大禮則夢瓊餘息馥仙閣以相歡就木殘魂遊岱宗而載躍盧照鄰登封大酺歌曰觀仙雲隨風輦天門瑞雪照龍衣繁絃綺席方終夜妙舞清歌歡未歸

元宗開元十二年四方治定歲屢豐稔羣臣多言封禪中書令張說又固請乃下制以十三年有事泰山於是說與右散騎常侍徐堅等刊定儀注皆如高宗之制唐書禮志

十三年十月封禪于泰山去山趾五里西去社首山三里丁亥服袞冕於行宮致齋於供帳前殿巳丑大備法駕至

山下乃御馬而登侍臣從帝以靈山清絜不欲多人上欲
初獻於山上壇行事亞獻終獻於山下壇行事召禮官學
士賀知章等入講儀注因問之知章等奏曰昊天上帝君
位五方精帝臣位帝號雖同而君臣各異陛下享君位於
山上羣臣祀臣位於山下誠足以垂範來葉爲變禮之大
者也禮成於三初獻亞終合於一處於是三獻悉於山上
行事其五方帝及諸神座於山下壇行事通典 帝問前世
何爲祕玉牒知章曰玉牒以通意於天前代或祈長年希
神仙旨尙微密故外莫知帝曰朕今爲民祈福一祕請
卽出玉牒以示百寮乃祀昊天上帝於山上壇以高祖配
祀五帝以下諸神於山下其祀禮皆如園丘而卜日告天

及廟社大駕所經及告至問百年朝覲皆如舊行之禮其
登山也爲大次於中道止休三刻而後升其已祭燔燎侍
中前跪稱具官臣某言請封玉冊皇帝升自南陛北向立
太尉進昊天上帝神座前跪取玉冊置於案以進皇帝受
玉冊跪內之玉匱纏以金繩封以金泥侍中取受命寶跪
以進皇帝取寶以印玉匱侍中受寶以授符寶郎太尉進
皇帝跪捧玉匱授太尉太尉退復立太常卿前奏請再拜
皇帝再拜退入於次太尉奉玉匱之案於石礪南北向立
執事者發石蓋太尉奉玉匱跪藏於石礪內執事者覆石
蓋檢以石檢纏以金繩封以石泥以玉寶遍印引降復位
帥執事者以石距封固又以五色土圍封其配座玉牒封

於金匱皆如封玉匱太尉奉金匱從降俱復位以金匱內
太廟藏於高祖神堯皇帝之石室其禪於社首皆如方丘

之禮唐書禮志御製紀泰山銘書勒於山頂石壁之上中

書令張說撰封祀壇頌侍中源乾曜撰社首壇頌禮部尚

書蘇頌撰朝覲壇頌以紀聖德通

元宗紀泰山銘張說封祀壇頌

蘇頌朝覲壇頌俱入金石記

玉牒文有唐嗣天子臣某敢昭告于昊天上帝天啟李

氏運興土德高祖太宗受命立極高宗升中六合殷盛

中宗紹復繼體不定上帝眷祐錫臣忠武底綏內艱推

戴聖父恭承大寶十有三年敬若天意四海晏然封祀

岱嶽謝成於天子

孫百祿蒼生受福

登封喜雪詩日觀卜先征時巡順物情風行未備禮雲

密遠飄霏委樹寒花發紫空落絮輕朝如玉已會庭似

月猶明既觀膚先合還欣尺有

盈登封何以報因此謝功成

泰山祀天樂章一十三首降神用豫和六變款奉

億上帝臨下庭騎日月陪列星嘉視信大禧馨澹

心醉皇靈相百辟貢八荒九歌叙萬舞翔肅振振鏘

承眷命依蒼生寰宇謐太階平天道無親至誠與鄰

乎百神饗帝饗親維孝維聖緝熙懿德敷揚成命華

夷志同筮鋪禮盛明靈降止感此誠敬迎送皇帝用

太和孝敬中發和容外彰騰華照寓如昇太陽真璧就

奠元靈垂光禮樂具舉濟濟洋洋登歌奠玉帛用肅

和奠祖配天承天享帝百靈咸秩四海來祭植我蒼璧

布我元製華日徘徊神靈容裔迎俎入用雍和俎豆

泰山志卷十二 封禪

序

禪社首祭地祇樂章八首迎神用順和至哉合柔德萬
物資以生恒順萬民載流謙通變盈理心事能察增廣
陳誠誠言禮優如在泰折俟成享皇帝行用太和肅
我成命於昭黃祇衷冕而祀陟降在斯五音克備八變
聿施緝熙肆靖厥心匪離登歌奠玉帛用肅和黃祇
是祇我其夙夜寅畏誠潔匪違寧舍禮以琮玉薦厥
藉念茲降康胡寧克暇迎祖用雍和夙夜宥密不致
寧晏五齊既陳八音在縣奏盛以繁房俎斯薦明德惟
馨尚茲克偏皇帝初獻用壽和惟以明發有懷載殷
樂盈而返禮順其禮立清以獻為欲是親於穆不已哀
對斯臻有願樂以平志和穆天子告成岱宗大裘
如濡執珽有願樂以平志和穆天子告成岱宗大裘
邕皇帝還宮用太和昭昭有唐天俾萬國列祖降命
四宗順則申錫無疆宗我周德曾孫繼緒克承
賀知章送神用靈具醉代和靈其醉本
往恥視顧明德吐正辭焉遺光流
馬黃觀開元皇帝東封國優若翠華
旋明立冠劍侍臣陪述類飛仙去
疑檢士魚色訝生苔挂壁雲非
風仗若迴何年復東幸魯叟望悠哉

宋

太宗太平興國八年六月己酉兗州泰山父老及瑕邱等

七縣民詣闕請封禪 雍熙元年夏四月乙酉泰山父老

詣闕請封禪戊子羣臣表請凡三上許之五月丁丑乾元

文明二殿災六月壬寅詔罷封泰山本紀

太宗將東封蒙定議曰嚴父莫大于配天請以宣祖配天

自雍熙元年罷封禪為郊祀遂行其禮識者非之扈蒙傳

真宗大中祥符元年春正月乙丑有黃帛曳左承天門南

鵝尾上守門卒塗榮告有司以聞上召羣臣拜迎于朝元

殿啟封號稱天書戊辰大赦改元三月甲戌兗州父老呂

良等千二百人詣闕請封禪丁卯兗州並諸路進士等八

百四十人詣闕請封禪壬午文武官將校蠻夷耆壽僧道

泰山志卷之二 封禪

三

二萬四千三百七十餘人詣闕請封禪不允自是表凡五
上夏四月甲午詔以十月有事于泰山遣官告天地宗廟
嶽瀆諸祠乙未以知樞密院事王欽若參知政事趙安仁
爲泰山封禪經度使丙申以王旦爲封禪大禮使馮
拯陳堯叟分掌禮儀使五月壬戌王欽若言泰山醴泉出
壬午詔緣路行宮舊屋止加塗墍毋別剝癸未置天書儀
衛使副扶持使都監夾侍凡有大禮卽命之詔離京至封
禪以前不舉樂所經州縣勿以聲伎來迓六月乙未天書
再降於泰山醴泉北壬寅迎泰山天書于含芳園九月戊
寅西京諸州民以車駕東巡貢獻召對勞賜之乙酉
封禪儀于崇德殿冬十月戊子上御蔬食庚寅以巡

考制度使副凡巡幸則命之是夕五星順行同色
太平興國中有得唐元宗社首玉冊蒼璧至是令瘞於舊
所其前代封禪壇址摧圯者命修完之山上置圓臺徑五
丈高九尺四陞上飾以青四面如其方色一壇廣一丈圍
以青繩三周燎壇在其東南高丈二尺方一丈開上南出
戶方六尺山下封祀壇四成十二陞如圓丘制上飾以綠
四面如方色外爲三壇燎壇如山上壇制社首壇八角三
成每等高四尺上闊十六步八陞上等廣八尺中等廣一
丈下等廣一丈二尺三壇四門如方丘制又爲瘞埴於壬
地外壇之內以玉爲五牒牒各長尺二寸廣五寸厚一寸
刻字而填以金聯以金繩緘以玉匱置石礮中

金滕難用
以金塗繩

代正坐配坐用玉冊六副每簡長一尺二寸廣一寸二分
厚三分簡數量文多少匱長一尺三寸檢長如匱厚二寸
闊五寸纏金繩五周當纏繩處刻為五道而封以金泥泥和
金粉乳印以受命寶封匱當寶處刻深二分用石碱藏之
香爲之其碱用石再累各方五尺厚一尺鑿中廣深令容玉匱碱
旁施檢處皆刻深七寸闊一尺南北各三東西各二去隅
皆七寸纏繩處皆刻三道廣一寸五分深三分爲石檢十
以揪碱皆長三尺闊一尺厚七寸刻三道廣深如纏繩其
當封處刻深二寸取足容寶皆有石蓋與封刻相應其
檢立碱旁當刻處又爲金繩三以纏碱皆五周徑三分爲
石泥封碱泥用石末和用金鑄寶曰天下同文如御前寶

以封碱際距石十二分距四隅皆闊二尺厚一尺長一丈
斜刻其道與碱隅相應皆再累爲五色土圓封碱土徑一
丈二尺下徑三丈九尺命直史館劉鍇內侍張承素領徒
封園臺石碱直集賢院宋臯內侍郝昭信封社首石碱並
先往規度之詳定所言朝覲壇在行宮南方九丈六尺高
九尺四陛陞南面兩陛餘三面各一陛一壝二分在南一
分在北又按唐封禪備法駕準故事乘輿出京並用法駕
所過州縣不備儀仗其園臺上設登歌鍾磬各一具封祀
壇宮架二十虞四隅立建鼓二舞社首壇設登歌如園臺
壇下宮架二舞如封祀壇朝覲壇宮架二十虞不用熊羆
十二案又按大典南郊合祀天地服袞冕垂白珠十有二

黝衣纁裳十二章欲望封禪日依南郊例泊禮畢御朝觀壇諸州所貢方物陳列如元正儀令尙書戶部告示並先集泰山下仍詔出京日具小駕儀仗太常寺三百二十五人兵部五百六十六人殿中省九十一人太僕寺二百九十九人六軍諸衛四百六十八人左右金吾仗各一百七十六人司天監三十七人有司言南郊惟昊天皇帝地祇配帝日月五方神州各用幣內官而下別設六十六段分充按開寶通禮嶽鎮海瀆幣從方色卽日月皆有制幣今請封祀壇內官至外官三百一十八位社首壇嶽鎮以下一十八位並用方色幣又南郊牲正坐配坐用犢五方帝日月神州共用羊豕二十二從祀七百二十七位仍以前數

分充今請神州而上十二位用犢其舊供羊豕改充從祀牲又景德中升天皇北極在第一等今請亦於從祀牲內體薦舊制郊祀正坐配坐禱以黃皇帝拜禱以緋至是詔配坐以緋拜禱以紫又以靈山清潔命祀官差減其數或令兼攝有期喪未滿餘服未卒哭者不得預祭內侍諸司官除掌事宿衛外從升者裁二十四人諸司職掌九十三人其文武官升山者皆公服詳定所言漢書八神與歷代封禪帝王及所禪山並於前祀七日遣官致祭以太牢祀泰山少牢祀社首九月詔審刑院開封府毋奏大辟案帝習儀于崇德殿初禮官言無帝王親習之文帝曰朕以達寅恭之意豈憚勞也既畢帝見禮文有未便諭宰臣與禮

官再議於是詳定所言按開寶禮則燔燎畢封冊開元故事則封礮後燔燎今如不對神封冊則未稱寅恭或封礮後送神則併爲道瀆欲望俟終獻畢皇帝升壇封玉匱置礮中泥印訖復位飲福送神樂止舉燎火次天書降次金匱降禮儀使奏禮畢皇帝還大次俟封礮畢皇帝再升壇省視緣祀禮已畢更不舉樂省訖降壇仍詔山上亞獻終獻登歌作樂十月戊子朔禁天下屠殺一月帝自告廟卽屏葷蔬食自進發至行禮前並禁音樂有司請登封日圍臺立黃麾仗至山下壇設權火將行禮然炬相屬又出朱字漆牌遣執仗者傳付山下牌至公卿就位皇帝就望燎位山上傳呼萬歲下卽舉燎皇帝還大次解嚴又傳呼而下祀官始退社首瘞坎亦設權火三爲準遣司天諛漏壺山之上下命中官覆校日景復於壇側擊板相應自太平頂天門黃峴嶺岱嶽觀各豎長竿揭籠燈下照以相參候辛卯發京師以玉輅載天書先行次日知之至鄆州令從官衛士蔬食丁未次奉高宮戊申齋于穆清殿諸升山者官給衣令祀日沐浴服之庚戌帝服通天冠絳紗袍乘金輅備法駕至山門幄次改服鞞袍乘步輦登山鹵簿儀衛列山下天書仗不上山與法駕仗間立知制誥朱異奉玉冊牒及圓臺行事官先升且以回馬嶺至天門路峻絕人給橫板二長三尺許繫綵兩端施於背膺選從卒推引而上衛士皆給釘鞵供奉馬止於中路自山趾盤道至太平

頂凡兩步一人綵繡相間樹當道者不伐止縈以繒帝每
經陘險必降輦徒步亞獻寧王元偓終獻舒王元偁鹵簿
使陳堯叟從祀官黜饌習儀於園壇是夕山下罷警場辛
亥設昊天上帝位于園臺奉天書于坐左太祖太宗並配
西北側向帝服袞冕升臺奠獻悉去侍衛拂擢止於墻門
籠燭前導亦徹之

玉冊文嗣天子臣某敢昭告于昊天上帝臣嗣膺景命
昭事上穹昔太祖揖讓開基太宗憂勤致治廓清寰宇
混一車書固抑升中以延積慶元符錫祚衆寶效祥異
域咸懷豐年屢應虔修封祀祈福黎元謹以玉帛犧牲
粢盛庶品備茲禋燎式薦至誠皇伯考太
祖皇帝皇考太宗皇帝配神作主尚饗
玉牒文有宋嗣天子臣某敢昭告于昊天上帝啟運大
同惟宋受命太祖肇基功成治定太宗膺圖重熙累盛
粵惟冲人不承列聖寅恭奉天憂勤聽政一紀于茲
興來暨丕貺殊尤元符章示儲慶發祥清淨可致時和

年豐羣生咸遂仰荷顧懷敢志繼志僉議大封聿申昭
事躬陟喬嶽對越上天率禮祗肅備物吉蠲以仁守位
以孝奉先祈福逮下侑神昭德惠綏黎元懋建
皇極天祿無疆靈休允迪萬葉其昌永保純錫

命羣官享五方帝及諸神於山下封祀壇上飲福酒攝中
書令王旦跪稱曰天賜皇帝太一神策周而復始永綏兆
人三獻畢封金玉匱王旦奉玉匱置於石礮攝太尉馮拯
奉金匱以降將作監領徒封礮帝登園臺閱視訖還御幄
宰臣率從官稱賀山下傳呼萬歲聲動山谷即日仗還奉
高宮百官奉迎于谷口帝復齋于穆清殿壬子嘗祭皇地
祇于社首山奉天書升壇以祖宗配

禪社首玉冊文嗣天子臣某敢昭告于皇地祇無私垂
祐有宋肇基命惟天啟慶賴坤儀太祖神武威震萬寓
太宗聖文德綏九土臣恭膺寶命纂承丕緒穿昊降祥
靈符下付景祚延鴻祕文昭著入表以寧五兵不試九

穀豐穰百姓親比方輿所資涼德是愧溥率同詞縉紳
協議因以時巡亦既肆類躬陳典禮祗事厚載致孝祖
宗潔誠嚴配以伸大報聿修明祀本支百世黎元受祉
謹以玉帛犧牲粢盛庶品備茲禮瘞式薦至誠皇伯考
太祖皇帝皇帝考太宗
皇帝配神作主尚饗

帝至山下服鞞袍步出大次癸丑有司設仗衛宮懸于壇
下帝服袞冕御封禪壇上之壽昌殿受朝賀大赦天下文
武遞進官勲減免賦稅工役各有差改乾封縣曰奉符縣
宴百官卿監以上于穆清殿泰山父老于殿門甲寅發奉
符始進常膳帝之巡祭也往還四十七日未嘗遇雨雪嚴
冬之候景氣恬和祥應紛委前祀之夕陰雲風勁不可以
燭及行事風頓止天宇澄霽燭焰凝然封禪訖紫氣蒙壇
黃光如帛繞天書匣悉縱四方所獻珍鳥異獸山下法駕

還奉高宮日重輪五色雲見鼓吹振作觀者塞路歡呼動
天地改奉高宮曰會真宮九天司命上卿加號保生天尊
青帝加號廣生帝君天齊王加號仁聖各遣使祭告詔王
且撰封祀壇頌王欽若撰社首壇頌陳堯叟撰朝覲壇頌
圓臺承祀官竝于山上刻名封祀九宮社首壇奉祀官竝
于社首頌碑陰刻名扈從升朝官及內殿崇班軍校領刺
史以上與蕃夷酋長竝于朝覲頌碑陰刻名

禮志

登泰山謝天書述二聖功德銘王旦封祀壇頌陳堯叟朝覲壇頌王欽若社首壇頌俱入金石志

徽宗政和三年交鄆者壽道釋等及知開封府張爲等五
十二人表請東封優詔不允六年知兗州宋康年請下祕
閣檢尋祥符東封典故付臣經畫時蔡京當國將講封禪

以文太平預具金繩玉檢及他物甚備迄不行禮志

明

成祖永樂十四年三月壬申尚書呂震請封禪上曰今天下雖無事四方多水旱疾疫安敢自謂太平且六經無封

禪之文事不師古甚無謂也不聽典彙

梁許懋封禪對舜朱岱宗是為巡狩而孝經鉤命決云封於泰山考績燔燎禪於梁甫刻石紀號此緯書之曲說七十二君燧人之前世質民淳安得泥金檢玉結繩而治安得錫文告成妄亦甚矣若聖主不須封禪若儿主不應封禪秦始皇嘗封泰山孫皓嘗封國山皆由主好名於上而臣阿旨於下非盛德之事不可為法也宋胡寅封禪論緯書本原於五經而失之者也而尤紊於鬼神幽明之故夫鬼神幽明之故非知道者不能識斷國論者誠能一決以聖人之經經所以載道雖有緯書識記屏而不用則庶乎其不謬於埋矣登封之事原於柴燔而失之者也詩書紀巡狩而柴者記所謂祭天也至俗宗陟其高山云者記所謂因名山也

則因以為高無則於郊而壇其義類一也又有大事而告於上帝者武王克商始有天下故柴望而告也舍此則瀆矣記以饗帝於郊與升中於天為二事則傳者之失也然則七十二君之編錄詩書禮典畧不經見者身致太平安得闕而弗講故前賢論登封者莫善於許懋惜乎世祖之臣智不及此陷其君於過舉而不得聞也封禪之事漢唐之君往往行之曾無一人建議明白如許懋者賢哉懋乎其學可謂正矣漢唐以來緯書行而經學弛重以鄭元博寡要不知折衷於聖人而惟緯書之信世無稽古之言以祛羣惑遂使有天下者於無事時肆其侈心千乘萬騎巡狩侈費登山琢石誇大功德或有祕祝以祈不死取笑當代貽譏後來彼梁武之資未必如漢光武之英也一聞懋言遂遏欲行之意推廣其義以答請者則賢於光武遠矣使其舉措每如此則金甌之業何缺壞之有章俊卿封禪論以封禪為非古者王仲淹也以封禪為不經者李泰伯也以封禪為不足信者蘇子由也夫六經無封禪之文帝王無封禪之事著是文者管仲疏其源史遷浚其流季仲推其波張說助其瀾侈是事者祖龍噓其煙孝元封其壘隋帝熾其膏元宗烈其焰是以禪之典惟以肆情示誇也證之以六經之明文質之以

帝王之實迹則後世之惑滋甚且云云一山也或以為
在東山或以為在蒙陰亭亭一名也或以為在鉅平或以為在博
以則服虔晉灼應劭之地也或以為在鉅平或以為在博
又曰三皇禪釋經曰帝嚳堯舜禪云云又曰五帝禪云
亭亭既曰禹禪會稽湯禪云云又曰三王禪梁甫則管
仲孔穎達之說為不一紛紛異議迄無訂證唐虞三代
應不載吁安得仲淹泰伯
子由與之議封禪之非哉
明邱濬封禪論封禪之說詩書禮典畧不經見審有是
事乃天下國家之盛舉堯舜禹湯文武成康皆身致太
平安得闕而弗講所謂七十二君者果何代何人哉先
儒有言養生至於長生不死為國至於祈天永命皆有
是理然人未有能為之者縱為之然亦不出乎身心日
用之間非必由乎服食藥物微求鬼神而後致之也是
故明君永年莫若寡欲延國壽莫若愛民寡欲而至於
全其天愛民而至於不費其歷有是理亦誠有是事鳴
呼世主所以甘心於不費之費而行封禪之禮者以有
祕祝之求也誠知此理反之於心知其必無驗之於古
自不為矣

國朝孫星衍封禪論封禪者巡守考績之禮天子五年一
升方岳封諸侯明黜陟輯瑞柴燎以告天示至公不自
專上古聖人敬天敬事之至也周衰不巡守故封禪之
義晦秦漢以為祈年求僊之事當時儒者不能辯明于
是七十二君之盛迹後世得以訾之矣緯書出于周末
猶通古義其在孝經鉤命決云封于泰山考績柴燎禪
于梁父刻石紀功故鄭康成注書云柴者考績燎也又
白虎通云嶽之為言擗也擗功德也風俗通云嶽擗功
考德黜陟幽明也是方岳亦以考績得名矣案堯典稱
歲二月東巡守至于岱宗柴觀東后又曰五載一巡
守羣后四朝敷奏以言明試以功車服以庸白虎通述
大傳曰見諸侯問百年大師陳詩以觀民風俗命市納
賈以觀民好惡山川神祇有不舉者為不敬不敬者削
以地宗廟有不順者為不孝不孝者黜以爵變禮易樂
者為不從不從者君流改衣服制度為畔畔者君討有
功者賞之則其事也古者黜陟皆稱天其在堯典曰惟
時亮天工臯陶謨曰天工人其代之又曰天命有德天
討有罪又曰敕天之命諸侯者代之又曰天以天子命
或討天子皆登名山考其績積柴燔牲告天以黜陟之
或書之金策玉檢山高山中冀達于天諸侯之所共見
若春秋時會諸侯皆因邱陵明目聽辟非常也七十二
君皆封禪其說見于莊子管子之言必三代時相傳舊

說黃帝合符釜山即其事合符亦輯瑞也天子執冒諸
侯執圭以冒覆圭為合符亦曰輯瑞無過者復其圭有
過者畱其圭能改者復之不復者黜其爵地則其義也
故禹會兪山執玉帛者萬國防風後至則戮之是也齊
桓公合諸侯匡天下其力可以黜陟天下而嫌于僭上
者為周室不巡守諱亦不足折桓公能合諸侯之心也
然云受命得封禪亦謂黜陟自天子矣秦始皇東巡至
泰山諸儒生僅知古者蒲車租席之禮宜其見黜其時
意在立石頌德不知有考績之事漢文帝使博士諸生
作王制謀議巡狩封禪事亦祇信鬼神卒不能明古制
武帝巡幸郡縣渡尋于泰山或于封禪則能僭登天之
說又惑于封禪者古不死之名諸儒草儀大率將順其
事故史臣譏之以為羣儒不能辯明封禪事又拘于詩
書古文而不敢聘也後漢建武時有司奏封禪云為百
姓祈福刻石紀號何其不識封禪為考績之典獨鄭康成
如倪寬應劭諸人皆不識封禪為考績之典獨鄭康成
以孝經說知之故康成者一代之大儒而緯書有三代
古說不可廢也亡秦者胡之讖出于秦孔子素王之言
出于董仲舒信知讖緯不始哀平之間矣封禪者爵諸侯
之士于文從出從土從寸守其制度禪者祭天于文從
示上古有封禪之稱言爵諸侯祭告或于天也或封者

封山之義封必于泰山東方春應二月示布德行惠勉
諸侯言賞而罰亦隨之又以口夜分正度量也禮記稱
因名山升中于天不言祭地而漢書注服虔云封者增
天之高歸功于天禪闡也廣土地也後漢志注項威曰
除地為壇後改壇曰禪神之矣是誤以壇解禪字項說
違古義矣吾慨世之訾古人者皆不明古義以己之愚
反訾古人之愚若明堂辟雍封禪諸大禮尤傳譌不得
其實後遂廢之并以為迂怪之事孟子言諸侯去籍六
經之外非緯書何述焉緯書有增加有醇雜是在擇之
而已或以封禪之儀不述于周公孔子然今書缺有間
矣孟子為孔子之學者曰明堂者王者之堂行王政勿
毀之明堂在齊泰山即古者封禪考績之堂孟子固愛
封禪之禮矣鄭康成雖知考績柴燎亦未詳言之故作
封禪論或曰封禪者帝王易代大封諸侯升中于泰山
故曰岱宗故曰封禪者帝王易代大封諸侯升中于泰山
東方也則亦黃帝合符虞舜輯瑞之義與考績之說亦
不違矣按禪于梁父刻石
紀功見梁書許懋傳引
阮元封泰山論泰山者上古大山居天下之中者也封
泰山者七十二代易姓而王祭天刻石以紀號也上古
淳質無史冊刻石紀號者著一代之史也是故封禪為
古大禮古者開創之帝王雖功德有醇駁而皆得行之

秦始皇漢武帝之求長生光武帝之用讖緯宋真宗之
 得天書皆以邪道壞古禮不足為封禪咎秦始皇晉武
 帝隋文帝唐太宗議封禪或行或不行非也此皆易姓
 一帝天下之君當刻石紀號者或漢武帝魏明帝北齊文
 宣帝唐高宗元宗宋真宗明成祖議封禪或行或不行
 亦非也此非易姓一天下之君不當刻石紀號者或行
 嘗考之古矣泰山曰岱岱者代也古帝王告代之處也
 後漢書注云泰山曰岱岱者代也古帝王告代之處也
 居天下之中也關雅言齊中代所居曰齊齊者中也
 國上古水土未平中國地徧泰山齊國地高而無洪水
 遂為天下之中有王者起德教足以服眾功力足以制
 人即可以朝諸侯有天下登泰山而封之七十二代豈
 皆如黃帝堯舜之德歟其以雜霸之力收天下之權如
 後代秦隋者必有之矣其時文字始造史冊未興設非
 大朝會升中于天刻石岱宗以紀之則天下之權猶未
 也惟其盛衰興廢三古迭更受命異姓亦無以傳于後世
 之是以管夷吾所記者十有二家不能以受命易姓之
 辭窮齊桓公乃設為嘉祥未臻之說嗚呼豈知後世文
 人昧管氏之大義反以其所設之辭侈為符瑞以飾封
 禪致迂儒疑封禪
 非古禮豈不僨哉

泰山志卷第十二

封禪

泰山志卷第十三

朝議大夫山東泰安府知府休寧金燦纂輯

郡邑志

因革

疆域

形勝

風俗

城池

官制

署廨

學校

田賦

物產

古蹟

塚墓

因革

泰安府

山東通志稱天下之安如泰山而四維之名蓋取諸此

禹貢兗青徐三州之

域周為魯宋齊地

東平須昌屬宋本漢書地理志方輿紀要

又宿鄆二國秦屬

齊東泗水三郡地

史記秦始皇本紀二十六

漢為泰山郡

東郡東平國地隸兗州部

須昌屬東郡無鹽屬東平國景帝中六年別東平國為濟東國

武帝元鼎元年為大河郡東漢因之省肥城入盧縣屬濟北國須昌無鹽晉因之隸兗州晉以東阿穀城屬濟北國南宋為泰山

東安濟北東平四郡地新泰屬泰安兼隸徐州北魏於泰山郡

析置東泰山郡又於濟北郡析置東濟北郡新泰屬東泰山肥城穀城

屬東隸兗州北徐州濟州隋改泰山為魯郡以新泰屬瑯

琊郡肥城東阿仍屬濟北郡隸徐州兗州唐為魯郡瑯琊

郡東平郡隸河南道宋為襲慶府魯郡東平府東平郡隸

京東西路沂州瑯琊郡隸京東東路金以泰安為州領奉符萊

蕪新東平為府領須城東阿平陰俱隸京東西路元為泰安州初屬

東平路後隸省部領肥城東平路領須城東阿平陰隸山東

東西道明泰安州新泰萊蕪肥城屬濟南府東平州東阿

平陰屬兗州府隸山東布政使司

國朝因之雍正二年分泰安為直隸州領長清新泰萊蕪三

縣八年分東平為直隸州領東阿平陰陽穀壽張四縣十

二年以濟南府之肥城易泰安之長清十三年升泰安為

府設泰安附郭縣以東平州並所領之東阿平陰屬焉陽穀

壽張仍歸其領州一縣六隸山東布政使司泰安府志

泰安縣山東通志附郭從郡名乃安愈求安之義周為齊魯地嬴博二縣屬齊左傳哀公十一年

年會吳伐齊克博至贏又昭公八年大蒐於紅成公二年齊圍龍今縣境有紅亭龍鄉當是魯之北境秦屬

齊郡漢為博瀛奉高三縣地屬泰山郡治奉高東漢及晉南

宋因之北魏改博曰博平與奉高仍屬泰山郡治博平瀛縣

廢隋改博平曰博城屬魯郡開皇六年改奉高曰岱山唐大業初省岱山入博城

改博城曰乾封屬兗州魯郡武德五年置東秦州貞觀初州廢仍屬兗州魯郡乾封元

年更博城宋改乾封曰奉符屬襲慶府魯郡開寶五年移縣治岱嶽鎮

為乾封即今治也大中祥符初改曰奉符又築新城在今治東南三十里而以岱嶽鎮為舊城金初為泰安

軍尋改為泰安州仍治奉符還岱嶽鎮元因之直隸省部初屬東平

路至元五年改直隸明省縣入屬濟南府

國朝因之雍正二年改泰安為直隸州十三年升為府設附

郭縣

賜名泰安疆域仍州之舊泰安府志

疆域

泰安府東至青州府博山縣界一百八十里西至兗州府

陽穀縣界一百五十里南至兗州府寧陽縣界六十里北

至沂州府蒙陰縣界一百一十里東南至沂州府蒙陰

縣界一百一十里東北至青州府博山縣界一百九十里西

北至東昌府茌平縣界一百八十里西南至兗州府汶上

縣界一百里東西廣四百三十里南北袤一百七十里由

府治北至省城一百八十里西北達於

京師一千里泰安府志

泰安縣東至萊蕪縣界六十里至縣治一西至肥城縣界

六十里至縣治九十里南至兗州府寧陽縣界六十里至縣治一

北至濟南府歷城縣界八十里至縣治一東南至新泰縣

界八十里至縣治一百五十里東北至濟南府章邱縣界一百五十

里至縣治一百三十里西北至濟南府長清縣界四十里至縣治一

西南至兗州府汶上縣界一百里至縣治一百八十里東西廣一百二十里南北袤一百四十里編戶九十七里府縣志

形勝

岱為五嶽之宗冠諸峯而表鎮汶有四源之會斂眾水以資漕畫社分坳實青徐之根柢設郵置堠乃南朔之樞機自虞巡周狩以來卓哉靈府在陽魯陰齊之地屹矣長城山東通志兼禹貢兗青徐分春秋齊魯宋泰山綿亘於東北汶水合流於西南太乙神明之區中原要害之區以運河則千艘並驚旁連列郡若高屋建瓴羣山環繞憑玉几於徂徠泮水漣漪結象環於石汶通志羣真其後汶水經其前溪山峻隘據東南之勝羣山雄踞於東北眾水

夾流於西南洵稱五服之尊古藩封之勝地也舊州志

風俗

人情樸厚俗有儒學文獻通考去洙泗百餘里人好儒術李謙風俗淳樸而尚儉素張從仁文廟記泰安舊稱淳樸士習於孫石遺風多好經術重氣節府志

城池

泰安府城舊為岱嶽鎮宋開寶五年移築乾封縣城於此大中祥符元年改名奉符又築新城於東南三里舊城廢金大定二年復還舊治元以後因之明嘉靖間濟南通判王雲興奉檄修築易土以石周七里六十步高二丈五尺厚二丈池闊三丈深二丈四門東曰靜封西曰望封南曰

乾封北曰登封郡人馬經有記三十二年沂州兵備任希祖檄知州鄭聚東重修崇禎十二年守道蔡懋德增修四隅各出稜角周圍三丈許創四樓去地五丈許城以岱麓為基城外東北皆曠野

國朝順治十一年知州傅鎮邦張錫懌相繼招徠營房舍以衛之遂成市巷乾隆十三年春知縣湯任奉

旨重修高厚方廣如故改四門名東迎暄西嶽晏南泰安北仰聖又各建敵樓并石橋四座三十九年知府朱孝純以垣堞多圯率士民捐貲重修黃鈞縣志

官制

泰安府知府一 糧捕通判一 經歷司一 司獄司一

儒學教授一

泰安縣知縣一 縣丞一 主簿一 典史一

儒學訓導一

泰安營參將一 守備一 把總一 外委把總一

宮里村汛把總一 堯山口汛外委千總一

署廨

泰安府署在迎暄門內街北舊知州署雍正十三年改地周一十六畝

四分有奇 糧捕通判署在府城東南一百里樓德莊

經歷司署在府署內東偏 司獄司署在府署內西偏

儒學教授署在學內府志

泰安縣署在泰安門內街西南向舊為蕭官係第乾隆四年知縣

李松建 縣丞署舊在縣署內東偏今改建西迎翠街

主簿署在縣西南九十里安駕莊 典史署在縣署內西

偏 儒學訓導署在學內 泰安營參將署在城內東南

守備署在遙參亭南路東 把總隨營分署

學校

儒學在迎暄門內府署東創於宋開寶初金大定間知州

徐偉重建元至元間知州馬驤重修至正二年知州靳文

用九年州同孔之巖重修明洪武初州同陳文祐正統六

年知州施守正天順六年知州李琪皆重修成化十五年

學正任式移學路於廟東十八年知州賈宣增修二十二

年知州胡瑄拓地重建嘉靖十年知州李收三十一年參

議張旦重修隆慶六年知州楊山築山學後建屏學前

國朝順治六年郡人御史趙宏文重修康熙十三年知州朱

麟兆五十二年知州張五福州同張奇逢雍正七年知州

王一夔紀邁宜皆重修十三年改府設縣祭祀肄業共之

府學額入二十名縣學額入二十名乾隆十六年知府宋

諤知縣劉朝宗重修四十五年署知府胡德琳知縣黃鈞

緣前令張鳴鐸興修未就捐俸重修

大成殿五間東西兩廡各七間南為戟門

五間門東為齋宿更衣之所南為泮池橋三又南櫺星門

三間前為屏牆東西兩坊大成殿後為明倫堂東西齋房

各三間前為門門迤東為禮門東為奎文閣大成殿西南為崇聖祠

泰山上書院在投書澗西今為三賢祠

泰山書院在天書觀西乾隆二十九年知府姚立德購買

民舍改建知縣程志隆記

志圖

程志隆記自昔宋儒孫明復先生講學泰山之陽從遊如石徂徠胡安定諸君子皆一代偉人號為極盛今傳其遺址在凌漢峯下然已不可復識蓋泰山書院之名由來久矣前明萬曆間侍御宋公燾慕往哲之遺風構青巖社以衍其教澤

國朝康熙間相國趙公仁圃與及門講學其中時虞山蔣公撫視山左因得割俸修葺易名青巖書院乾隆五年郡守王公重為修拓並詳撥香稅開款暨萊郡餘米變價銀各如千數以供修脯膏火之資而學者於此一聚嗣歷二十餘年飄搖風雨屋宇欹傾非藉重貲不能重建且宋氏後人亦需此以為居址勢有不得仍其舊者余承乏是邑別思以振起之維時前郡守李公相與謀建書院粗有成議尋於二十八年秋調任大名未遑蒞事姚公繼守是郡爰承前議率屬捐俸購宅於城西命余董其役於是拓而廣之葺而新之凡正門重門講堂書舍以至庖廩廡莫不具修復於講堂東偏築室以祠三賢閱數月而工竣又以經費儲待酌定章程延明師集諸生肄業其中仍顏其額為泰山書院閱明年姚公調任濟南今郡守宋公政成之餘輒以崇文教為急務因復裕理經費為久遠計時以公餘召諸生講學

臺不倦而泰山書院之名日益著夫泰山為五嶽之宗自古巡狩封禪聿昭典制今

天子

章宸翰輝映林巒士生其間沐朝庭作人之化承聖賢禮教之遺礪礪扶輿蔚然以起矧夫景仰前賢泰山祖徠兩先生推挽後先于喁倡和讀春秋發微易解諸書臨澗徘徊登高望古想見當日几筵杖履師弟淵源未有不感懷興起而思有以踵其後者然非上之人作意崇儒宏獎後進毅然以禮樂詩書為己任有以握乎化民成俗之源者又烏能尋墜緒於七百餘年之遠而決意振興若斯之易也余不敏幸隨諸公後親茲文教率與數百里中負笈擔囊踰險濟濟規條初立品諸肅然率皆務實而存誠不蹈虛以襲迹行見甄陶道器品藻人倫士習文風日新月盛庶以仰副列憲尊經養士之心而先賢之澤藉以大衍其傳即質之宋趙王蔣諸公創建初意亦得永垂無替矣

宋燾青巖居二絕編籬種豆綠萋萋人似桃源路不迷日暮酒醒新月上扶節又過畫橋西昨宵溪水長潮痕烟雨霏霏畫掩門隔岸幾家芳樹綠分明城市有江村

岱麓書院在資福寺東乾隆五十七年知府徐大榕拓寺

基曠地建造今山長於此聚徒講學

育英書院泰安縣志云在縣東三十里崖下莊朱孝純圖志云在石汶南明李汝桂講學於此又南有汝桂墓

田賦

明洪武二十四年賦地五千五百八十頃五十六畝四分三釐成化十八年賦地五千九百六十五頃八十四畝二分四釐史俗

國朝以來均丈不一乾隆二十一年原額折就一例地五千九百七十三頃四畝六分八釐八毫除豁免拋荒地并節年新墾并首報地實在一例地五千一百六十頃五十二畝五分四釐九毫

歲額實徵地丁銀四萬二千四百五兩九錢九分三釐閏折色不在內米八千四百六十二石三斗三升二合八勺縣志

物產

尚書禹貢岱畎絲枲鉛松怪石周禮職方氏兗州其山鎮曰岱山其利蒲魚其民二男三女其畜宜六擾其穀宜四種爾雅中有岱岳與其五穀魚鹽生焉山海經云泰山上多玉其下多金又云泰山多貞木一名冬青道書福地記云泰山多芝草玉石岱史曰昔有者今無或昔無而今有志惟載其所有耳

穀有黍黃白黑三種稷黃黑二種稻紅白二種麥麩麩蕎三種菽青黃赤綠黑百餘種曰九里香粟花裏黃其最佳者秫俗呼高粱紅白黑三種芝麻陶宏景曰八穀之中惟胡麻為良純黑者胡麻名巨勝當九蒸九暴熬搗餌之斷穀長生薏苡仁岱史

蔬有蒔於畦圃者曰莖菘即白菜芥番薯俗名紅芋白芋菠

蓀蒿苣蒿蒿豆莢長扁數種葫蘆瓠茄王瓜絲瓜冬瓜南瓜蘿

蔔山藥葱蒜薑莧薑芋藕其野生者曰薺茶藜藿蘆薹芹枸

杞椿棟榕欒芽俱可菹香美並異八麻樹芽和糜粥亦佳

枸骨芽曰莠春土人甘之又黃花茶即鹿葱花珍美稱於

天下岱史並府志

木有松博物志松本石氣石裂而受沙即產松柏檜桂

天地運度經泰山北有桂椿樗俗謂臭椿莊子吾

樹七十株其實赤如橘也楊柳有大樹人謂之樗梧桐楸

即梓槐榆白者名枌爾雅楊有白楊青楊柳有垂絲金線

桑柘埤雅柘宜山石柘之從石義取此柞葉可飼蠶棟荆

冬青竹棠檉樟椒楓白蠟榕楮皮可為紙阜莢府志

明汪子卿志木有秦松漢柏唐槐皆紀於嶽於祠與徠新甫並傳矣他若椿梧梓檜楸榭桑柘榕欒楊柳榆棟雖皆有之顧登封之地無喬林豐樾而取材於工師者或寡焉

花有牡丹芍藥紫薇凌霄夜合辛夷長春麗春梔子玉簪

萱葵臘梅薔薇雞冠罌粟山丹月季蘭蕙茨菰石竹蓮菊

桃碧桃杏木槿石榴丁香夾竹桃鳳仙剪秋羅十姊妹海

棠素馨美人蕉雁來紅藤花蔓生於樹可食蔦蘿岱史

果有梨栗棗柿梅杏桃李石榴銀杏櫻桃林檎核桃蒲

萄沙果羊棗文官果五月成熟實如栗棠棣榛木瓜無花果諸品

多植於嶽陘園林其在嶽者多野生曰山榘獼桃野棠岱史

藥以泰山著圖經者有青芝一名龍芝天麻苗名赤箭有風不

獨搖芝又名合離草人不輕見之即走須以石壓之七

八月採其明亮堅實者惟泰山獨異他產然亦難得舊傳

竹林寺老僧種參化為景天四五月采陰乾或盆養置於屋上可以辟火故又名慎火天麻故生竹林者尤良圖經云苗葉似馬齒莧而頗大莖極脆弱開紅紫碎花遠志苗名天門冬千歲藟徐

長卿一名別太乙餘糧石龍芮石鍾乳石硫黃白石脂赤

石脂白石英紫石英太平御覽紫石英自元石生泰山之

云此鐵磁石本草生山之滑石雲母石絡石草俗名耐冬

液也而龍骨伏翼即蝙蝠蛭蚰圖經云即松肪柏實茯苓博物志

入地中千歲為茯苓茯苓千歲化為琥珀一名江珠今丹

泰山有茯苓而無琥珀益州永昌出琥珀而無茯苓

參茵陳茵芋女蕤狼毒連翹藜蘆即山澤漆瞿麥即石

附子即莎延胡索石蜜本草石蜜多在泰山石窟中有

有名在圖經而不以泰山言者曰蒼朮黃精芝草之精陶

知母益母草貫衆浸水缸中日飲山查山藥地黃地榆紫

花地丁天南星枸杞木蘭防風荆芥芫花花椒百部百合

草烏柴胡牽牛桔梗藁本芎藭漏蘆鬼箭麥門冬威靈仙

白蘚皮青木香鬼見愁車前子硝石長石青蒙石金星石

木草生於蒼石內銀星石本草外有金銀花經冬不凋

兜鈴王不留行石藥一名石花又名雲茶生石之陰其狀

隱晉書稱唐褒入山食木實夏枯草瓜蔓仁葛根葛花夜

明砂艾岱占斯本草占斯生泰山山谷樟樹上寄生樹大

貨有絲有木綿細絹葛可為絺有麻縲蜜蠟明汪子卿志

一名漢麻生泰山川谷

徂徠珠子煤自然有龍麝氣以水調勻以刀圭服能已鬲

氣除痰飲專用此一味阿膠和之擣數萬杵卽爲妙墨不
俟餘法也陳公弼在汶上作此墨謂之墨龍髓後人盜用
其名非也

東坡集

茶薄產巖谷間山僧間有之而城市則無也山人採青桐
芽曰女兒茶泉崖陰趾苗如波稜者曰仙人茶皆清香異
南茗黃芽芽皆爲茶亦佳松苔尤妙

明汪子卿志

鳥多野鴿巢巖穴及嶽祠椽題多鳩雀有鸞鵠鷹鷂鴉鵲
惟嶽祠無鴉曰山僧聲如念佛曰紅娘子色如胭脂曰拖
紅練拖白練皆以尾色名有雉雞山雞野雞鷓鴣黃鸝鷓
鷯翡翠布穀畫眉有翠羽褐衣如畫眉者汶有鴛鴦鷓鴣
鷓鴣野鷺

明汪子卿志

泰山有獸焉其狀如豚有珠名曰狢狢

山海經

獸有獾兔兔有兩其足者不能走每跳一二丈許曰

跳石有黃鼠蒼狐白狼在深山窮谷而登封之地則無

明汪子卿志

伏翼卽蝙蝠生泰山川谷食諸乳石精汁皆千歲純白如

雪又英雞常食碎石英故名人服之最補取英之功也

魚有瑤文四五寸許四五月生嶽北溪澗中過此則無矣

明汪子卿志

石鱗長四五寸生石澗中色似白金又有赤黑色者味最

美

縣志

山蠶出泰山東北麓

縣志

古蹟

博城在縣東南三十里即舊縣村故堞猶存本齊博邑漢

置縣屬泰山郡縣志

左傳哀公十一年

會吳伐齊克博

前漢書地理志注有泰山廟岱山在西北求山

上錢大昕云求山上三字當是兗州山之譌

水經注汶水南

逕博縣故城東

括地志兗州博城本博城縣城

泰山在兗州博城西北三十里

元和郡縣志後魏改博縣為博平隋開皇十七年改博

平為博城縣乾封元年高宗封嶽析長安以置乾封長

安元年廢乃于岱山下改

博城縣為乾封縣屬兗州

一統志宋開寶中移縣

於岱嶽鎮此城遂廢

明汪子卿志博城在嶽東距

距州治三十里今名曰舊縣

城在縣東南五十里即故縣莊西南距古博城二十五

里春秋時齊邑漢置縣屬泰山郡府志

左傳桓公三年公會齊侯于贏哀

公十一年會吳伐齊克博至贏

孟子反於

齊止於贏

水經汶水出泰山萊蕪縣原山西南過贏

縣南注云汶水又西南逕贏縣故城南

後漢書陳俊傳張步遣將擊俊

戰於贏下注贏名屬泰山郡

明汪子卿志贏城在嶽東距州治東

南五十里唐屬東泰州後省入博城

奉高城在縣東北十七里漢置縣屬泰山郡治府志

前漢書地理志注有

明堂在西南四里

水經汶水又東南過奉高縣北注云奉高縣漢武帝元

元和郡縣志漢武帝封禪分嬴博二縣立奉高縣以奉泰山之祀

龍鄉城在縣東南五十里今大汶口東十餘里有城基俗

曰鄉城是也縣志

左傳成公二年齊侯圍龍杜注在博縣西南

水經汶水又西南

逕龍鄉故城南

一統志龍鄉城在府西南

梁父城在縣南九十里梁父山之南漢置縣屬泰山郡縣志

前漢書地理志注師

古曰以山名縣也

水經淄水又逕梁父縣故城南注云

王者封泰山梁甫故縣名焉

元和郡縣志梁父山在泗水

縣北八十里西接徂徠山太平寰宇記梁父縣在乾封縣東南五十九里隋開皇二年移梁父縣於此唐武德四年移入博城今廢

兗州府志在寧陽東北九

十里泗水縣北四十里

泰安府志案山東通志在

三縣接界處今全隸泰安

柴城在縣東南一百里漢置縣屬泰山郡縣志

水經注淄水又西南逕柴縣故

城北地理志曰泰山之屬縣也

一統志廢柴縣在府南漢置縣屬泰山郡元封四年

封齊孝王子代為侯國後漢省舊志州南有柴城堡

汶陽城在縣西南七十里許今城上村是也縣志

水經注汶水又西南逕魯國汶陽縣北王莽之汶亭也

縣北有曲水亭春秋桓公十二年經書公會杞侯莒子

盟于曲池左傳云平杞莒也故杜

預曰魯國汶陽縣北有曲水亭

泰山道里記案樓上匯河之間有土邱傳為

陽關城在縣東南六十里今治東南陽關村是也縣志

左傳襄公十七

年師自陽關

水經注淄水又

西遼陽關城南

後漢書郡國志鉅

平縣有陽關亭

括地志曾陽關故城在兗州博

城縣南二十九里西臨汶水也

蕞裘城在縣東南九十里近梁父縣志

左傳隱公十一年公語公子翬使營蕞

水經注淄水西南

流逕蕞裘城北

後漢書郡國志泰山郡

梁父有蕞裘澤

元和郡縣志蕞裘城

在泗水縣北五十五里

府境內

鑄鄉城在縣西南七十里

水經汶水又西南過蛇邱縣南注云縣治鑄鄉故城春

秋左傳宣叔娶于鑄是也杜預曰濟北蛇邱縣所治鑄

鄉城者也蛇水又西南逕鑄城西左傳所謂蛇淵圍

也故京相璠曰今濟北有蛇邱城城下有水魯園也

後漢書郡國志

蛇邱有鑄鄉城

一統志蛇邱故城在肥城縣南春秋魯蛇淵圍也亦曰

鑄鄉漢置蛇邱縣屬泰山郡後漢分屬濟北國晉宋因

之魏屬東濟

北郡北齊省

下謹城在縣西南一百一十里有下暉村臨汶水上其遺

蹟也縣志

春秋桓公三年公會齊侯于謹杜預注

蛇邱縣西有下謹亭俗謂之下謹城

水經注蛇水又西南逕夏暉城南經書公

會齊侯于下謹是也今俗謂之下謹城

一統志在肥城

縣西南魯邑也

謝過城在縣東北十五里縣志

謝過城在縣東北十五里縣志

謝過城在縣東北十五里縣志

謝過城在縣東北十五里縣志

謝過城在縣東北十五里縣志

太平寰宇記謝過城有汶陽田
齊以此歸魯以謝過故有城存
明汪子卿志謝過城在嶽東南
吐漢明堂側齊魯會夾谷後歸謝之地故名嶽東南地曰谷里古夾谷也

關陵城在縣西南城上村南七里

縣志

永經注漢章帝元和二年東巡泰山立行宮于汶陽執
金吾耿恭屯城門於汶上基塹存焉世謂之關陵城也

羊祜城在縣東南九十里

縣志

明汪子卿志羊祜城距州治東南
九十里即晉羊祜所封之南城

泰安府志縣東南九十里即晉南城羊祜封邑今複城
內有寺曰羊祜寺城西有村曰羊社再西曰羊祜廳

程瑞訪過羊太傅故里詩雨過疎林日易昏晉時門巷
幾家存風流幕府傳佳話遺愛襄陽墮淚痕逆旅軒車
頻弔古野田雞犬自成村當年
陸抗知君好軼事猶堪對客論

岱山城在縣東南七十里徂陽東偏有城堞遺址土人漫
以安固呼之相傳即此

縣志

太平寰宇記廢岱山縣在乾封縣東南四十里
山北齊於此置隋開皇二年廢為奉高縣五年又改為
岱山縣大業二年廢入博城

鉅平城在府西南漢置縣屬泰山郡

一統志

永經注汶水又南逕鉅平縣故城東而西南流城東有
魯道詩所謂魯道有蕩齊子由歸者也今汶上夾水有
文姜臺

北魏書地形志鉅
平縣有鉅平城

宋王應麟詩經地理考鉅平省
入兗州博城今龔慶府奉符縣

奉符城在縣東南三里宋大中祥符初築金復還治岱嶽

鎮舊城遂廢

縣志

王士正奉符故城詩我行奉符城不見崑崙迹何
處仙人閣青山繞長陌惟聞鶯竹谿髣髴南村宅

長城鉅防俗呼大嶺嶺在縣西北六十里即泰山岡阜古

長城所經戰國策所謂齊有長城鉅防者也縣志

管子長城之易魯也長城之陰齊也

韓非子長城鉅防足以為塞

史記六國年表齊威王十一年趙取我長城田世家趙人歸我長城

竹書紀年梁惠成王二十年齊築防以為長城又云晉烈公十二年王命韓景子趙烈子及我師伐齊入長城

泰山郡記泰山西北有長城緣河

齊記齊宣王乘山嶺之上築長城東至海西至濟州千餘里以備楚

水經注山上有長城西接岱山東連瑯琊巨海千有餘里蓋田氏之所造也

括地志長城西北起濟州平陰縣緣河歷泰山北岡上經濟州濰州即西南兗州博城縣北東至密州琅邪臺

海入元和郡縣志故長城首起平陰縣北二十九里齊潛王所築蘇代謂燕王曰齊有長城巨防足以為塞是也

泰安府志即泰山岡阜以古長城所經名長城嶺

泰安縣志城因山為之起平陰之防門緣泰山北岡而東徑萊蕪博山臨朐沂水莒州日照諸城蜿蜒幾二千里至膠州海中大朱山訖焉泰山郡記及水經注括地

志皆謂至琅邪臺入海或指地之著者而言其實相距尚六十里也

汶陽田在嶽南汶河之上明汪子卿志

春秋成公二年取汶陽田八年晉侯使韓穿來言汶陽之田歸之於齊

水經注汶水又西蛇水注之冰出

蕭協中汶陽田詩賜履分茅事可稽何緣歸魯復歸齊紛紛子奪迷蕉鹿此日平疇雨一犁

龜陰田在縣東南二十里龜山縣志

水經注汶水東南流逕龜陰之田龜山在博縣北一十五里山北即龜陰之田春秋定公十年齊人來歸龜陰

之田是也

明汪子卿志龜陰田卽齊人歸魯以謝過者

棘亭在縣西南境縣志

春秋成公三年秋叔孫僑如帥師圍棘左傳取汶陽之田棘不服圍之杜注棘汶陽之邑在濟北蛇邱

水經注汶水又西溝水注之水出東北馬山西南流逕棘亭南去汶水八十里

路史魯棘在汶水北

蜀亭在縣西境縣志

春秋成公二年十有一月公會楚公子嬰齊于蜀

春秋釋例泰山博縣西北有蜀亭

一統志

紅亭在縣南境縣志

春秋昭公八年秋蒐于紅杜注紅魯地

後漢書郡國志紅亭在奉高縣西北

一統志

泰山道里記十里河東四里有紅亭遺址向有土邱今其村訛為紅廟云

陽橋在縣西北境縣志

左傳成公二年楚侵魯及陽橋杜注魯地陸澄曰博縣有陽橋

泰陰亭在郡南門外迤東有臺宋真宗登泰山謝天書述

二聖功德碑在焉明巡按吳從憲篆刻其前曰泰陰碑並

建亭其北揭其亭曰昭事上帝翌其門曰升中古蹟圖志

吳從憲泰陰碑亭記余按山東之明年暮春三月循泰岱將有事於登萊因與同事諸司臨拜嶽祠陟登封臺覽往蹟之僅存者惟秦之斷碑與唐之磨崖其他皆湮沉磨滅不可復觀矣知州事李逢暘請曰城南有陰符碑者乃宋真宗御書封禪紀文距州半里而近此祥符中東封故蹟也時偕同事往觀之碑凡五面相合而成

屹然如列屏嶂非特其製與他碑迥異而其敬天尊祖
謙遜辭讓之意百世之下讀其文字猶令人肅然斂容
稽首而莊誦之也然而時移代變金泥玉檢光函萬丈
今則益藏委翳於荒墟榛莽之區其不為湮沉磨滅者
無幾矣余因是竊有慨焉乃戒有司除地築亭於陰碑
之北周圍繞以牆垣亭之木植瓦甍皆取於宮之餘材
官不告勞民樂趨事是秋九月望日告成余適再按是
州宴於亭下凡五間砌以石址臨於濠溝重門深迥畫
棟高暉碑砥峙前儼如上帝之臨雉堞擁後恍若海市
之觀北瞻泰嶽壁立萬仞則勃然與仰止之思南眺徂
徠直道偃蹇則惕然起尚友之志視嚮日荒墟榛莽之
區今則巖巖翼翼廓然大觀非直為是州奇勝而奎章
宸翰輝映今古真有光於泰嶽也矣於是命工人築其
碑之南曰泰陰碑揭其亭曰昭事上帝翌其門曰升中
古蹟州之士民樂其有斯亭也夾道樹以槐柏後渠種
以芰荷仍取其地之中作為花塢周以柵欄多植奇花
麗草以待四方賓客之觀翼亭之西拓地半畝築室數
間以為往來憩息庖羞之所由是至斯亭者莫不徘徊
竟日而不能去也
嗚呼可謂盛矣

朝觀壇在泰陰碑南為宋祥符中百官朝觀之所有陳堯

叟朝觀頌碑今改為山川壇文見金石圖志

李簡詩朝觀當年築此壇旌旗影裏簇仙班只今惟有青山在日暮孤雲自往還

舞鶴臺在朝觀壇東南唐書禮樂志高宗乾封元年封泰
山為圓壇山南四里號封祀壇旋改今名元宗時亦為壇
於此今圯圖志

封祀壇在舞鶴臺東北宋真宗東封所築有王旦封祀頌
碑文見金石圖志

○塚墓

周柳下惠墓柳下即治東南柳里村有墓在焉其高如陵
戰國策秦伐齊令有敢去柳下季壟五十步而樵採者死
無赦即此舊有碑今廢舊州志

一統志周柳下惠墓在

府東八十三里柳里村
明汪子卿志柳下惠墓在州治東南一百

里至今村人尚多展姓者村名曰柳里村

泰安府志柳下惠墓在

縣東南百里柳里村
泰安縣志和聖墓

案泰安府經歷莊文於嘉慶二年二月奉署按察使充

沂曹濟道孫星衍札委訪查柳下惠墓具覆云查得和

聖墓在泰安府城東南汶河北郭家莊西北一里距城

一百里墓地四面見方共四十四步墓中高連頂六步

並無碑碣和聖祠在汶河南西柳莊地方距墓六里有

碑二一曰和聖故里一曰柳下書堂皆係乾隆年間建

立距祠正南一里有橋名和聖橋亦立有碑記又有展

氏先塋在府城東南王莊地方南一里去和聖墓之西

南十八里去和聖祠之正西十里有元延祐五年鹿思

固誤展氏先塋碑記碑陰為宗派之圖當將墓祠丈量

其丈量之步弓每步係三尺八寸云孫星衍因篆書

柳下季壠四字立于墓前案今滋陽縣西郊亦有柳下

惠墓蓋誤也

蕭協中柳下惠墓詩薄宦廿三黜高名百世芳佳城何處是零落野煙荒
孟和聖德難忘

季札子墓

禮記檀弓延陵季子適齊於其反也其長子死葬於贏博之間孔子曰延陵季子吳之習於禮者也往而觀其

葬焉

水經注奉高縣北有吳季札子墓在汶水南曲中季札

之聘上國也喪子於贏博之間即此處也從征記曰贏

縣西六十里有季札兒冢冢圓其高可隱也前有石銘

一所漢末奉高令所立無所迹叙標誌而已自昔恒獨

民戶灑掃之今不能然碑石糜碎靡有遺矣唯故跌存焉

泰安縣志今治東北六十里北禪村旁汶水南曲中有大冢疑是

五代高行周墓在縣西八里堰德村

泰山紀事案五代史高思繼媯州人以武勇雄於北邊為幽州節度使李匡威戍將因匡威兄弟之亂將兵三

千歸晉王李克用旋為主將劉仁恭所誅之而猶錄其子行周纔十歲補以軍職後歸莊宗隸李嗣源帳下屢有大功著為襄州行營都部署徙鎮歸德漢加中書令徙鎮天平軍封臨清王周封齊王卒贈尚書令追封秦王墓在泰山下

宋石氏先塋在徂徠西北汶河東岸石介撰墓表士建中真

書孔彥輔篆額縣志

石介墓附先塋

一統志石介墓在府東南五十五里

泰安府志宋石介墓在徂徠西北地周頃餘泰安縣志有碑題宋太子中允徂徠石先生神道乃明宋熹所建也時熹劾閣黨被黜故銜書山西太原平定州判趙國麟云殆感慶歷聖德軼事而題此碑乎薰蕕不同器忠佞不同朝屈於一時伸於千古曠代相感前後同揆其兩先生之謂歟按石先生墓誌銘歐陽修撰

李忠信墓在縣西南東向莊旁宋贈侍郎縣志

泰安府志在泰安縣西南六十里姜潛撰墓表

姜潛墓在縣南申村宋國子監直講縣志

泰安府志在城南五十里申村

孫觀墓在縣東南樓德鎮宋贈朝散郎許翰撰墓誌縣志

金党懷英墓在縣南四十里翰林學士承旨縣志

元時珍墓在徂徠山南時家莊府志

泰安縣志有泰安軍節度使左副元帥時侯神道碑皇慶二年十一月宋子貞撰高謝隸書

嚴謹墓在城東六十里埠前村西元縣令有杜仁傑撰墓

碑縣志

明聶貞墓在徂徠山西北工部員外郎縣志

高嶽墓在城北門外半里許孔道 東明知州志

王漢墓在城南四里孔道旁明錦衣衛指揮志

蕭大亨墓郡治西南三十里金牛山之陽明少保兵部尙

書府志

封尙章墓嶽東南摩天嶺下嘉靖壬午解元志

朱燾墓縣西十二里上旺莊明御史志

李汝柱墓縣東北三十里山口村明教諭有神道碑志

王楫墓縣東四十里塹汶河側明寧夏巡撫志

胡來享墓摩天嶺南下趾明知縣志

李若墓傲來峯南下明知縣志

田時耕墓岱麓普照寺前明縣丞爲魯藩相有鄭豸

史

泰安縣志田時耕字舜夫號龍溪少負奇質侗儻有大

志補州學生嘉靖十五年以優行貢太學授茂邑丞時

年擢魯藩相至贛郡疾作而卒時論惜之

安科墓在嶽東南麓傅家村西明知州舊州志

泰安縣志安科嘉靖丙午舉人授鎮江府通判治行卓

異視篆無錫當道異其才以丹徒丹陽武進宜興四縣

竝屬之一時父老成稱神明江寇周至廉率衆數千作

亂水道梗塞科逆戰獲之陞河南陝州守渡江見火炬

北將士陣亡者多爾欲仗我歸籍耶果爾登我舟禱畢

羣炬果附舟得渡其精誠格鬼神如此解

國朝趙宏文墓縣東北祝山之陽巡按御史志

泰安縣志趙宏文字樸庵崇禎丁丑進士甲申流寇據

城倡義誅僞官被逮志不降辱順治初召爲廣東道御

史巡按蘇松時江南新附人多

反側宏文漸次經理民賴以安

王度墓縣東北八里上高莊東戶部侍郎縣志

施天裔墓在城西宋家莊縣志

〔泰安府志〕施天裔字泰瞻順治初由明經任睢州牧時徵稅尚無定額天裔清丈減賦民皆德之累仕至廣西巡撫多惠政尋致仕卒年七十有七

趙國麟墓在城西天平山之陽文淵閣大學士縣志

泰山志卷第十三

425080

